

第一集九



詩地理攷卷之二

雅



鄭氏譜曰小雅大雅者周室居西都豐鎬之時詩也始祖后稷由神氣而生有播種之功於民公劉至于大王王季歷及千載越異代而別世載其功業為天下所歸文王受命武王遂定天下盛德之隆大雅之初起自文王至于文王有聲據盛隆而推原天命上述祖考之美小雅自鹿鳴至于魚麗先其文所以治內後其武所以治外此二雅逆順

之次要於極賢聖之情著天道之助如此而已矣
大雅生民下及卷阿小雅南有嘉魚下及菁菁者
莪周公成王之時詩也傳曰孔子曰未知此傳在何書文王基
之武王鑿之周公內之謂其道同終始相成比而
合之故大雅十八篇小雅十六篇爲正經其用於
樂國君以小雅天子以大雅然而饗賓或上取燕
或下就何者天子饗元侯歌肆夏合文王諸侯歌
文王合鹿鳴諸侯於鄰國之君與天子於諸侯同
天子諸侯燕羣臣及聘問之賓皆歌鹿鳴合鄉樂

此其著略大校見在書籀禮樂崩壞不可得詳大
雅民勞小雅六月之後皆謂變雅美惡各以其時
亦顯善懲過正之次也問者曰常棣閔管蔡之失
道何故列於文王之詩曰閔之閔之者閔其失兄
弟相承順之道至於被誅若在成王周公之詩則
是彰其罪非閔之故爲隱推而上之因文王有親
兄弟之義又問曰小雅之臣何以獨無刺厲王曰
有焉十日之交雨無正小旻小宛之詩是也漢興
之初師移其第耳亂甚焉旣移又改其目義順上

下刺幽王亦過矣 朱氏曰正小雅燕饗之樂也
正大雅會朝之樂受釐陳戒之辭也及其變也事
未必同而各以其聲附之

周道郁夷

地理志右扶風郁夷縣注詩周道郁夷顏氏曰四
牡詩周道倭遲韓詩作郁夷言使臣乘馬於此道

管蔡

郡國志河南中牟有管城管叔邑河內山陽有蔡
城蔡叔邑山陽故城在懷州修武縣西北 括地

志鄭州管城縣今州外城即管國城叔鮮所封豫

州今蔡州上蔡縣在州北七十里古蔡國外城叔度

所都城也有蔡岡在縣東十里因名 宋忠云胡

徙居新蔡 輿地志平侯徙新蔡

昆夷 混夷 串夷 周穆王伐畎戎

孫毓曰按書傳文王七年五伐有伐密須大夷黎

邦崇 漢匈奴傳周西伯昌伐畎夷注畎夷即畎

戎也又曰昆夷或作混又作緄 並音工 本反 亦曰大戎

山海經云黃帝生苗龍苗龍生融吾融吾生弄明
弄明生白犬白犬有牝牡是為犬戎 說文赤戎

本犬種故字從犬

隴以西有吠戎 史記自隴以西有

緄戎 緄混夷駮矣音昆 說文引詩犬夷咽矣皇

矣串夷載路鄭氏曰即混夷西戎國名 孟子文王事昆夷書大

傳注引詩吠夷喙矣

獫狁

史記匈奴傳唐虞以上有山戎獫狁葷粥居于北

蠻顏氏曰皆匈奴別號 晉灼曰堯時曰葷粥周曰獫狁秦曰匈奴 孟子大王

事獯鬻 曹氏曰西北二虜相倚角為寇故征獫

狁則西戎作伐西戎則獫狁平 漢匈奴傳武王

伐紂而營維邑復居于豐鎬放逐戎夷涇洛之北

以時入貢名曰荒服懿王時戎狄交侵暴虐中國

詩人始作疾而歌之曰靡室靡家獫狁之故

往城于方 朔方

毛氏曰方朔方近獫狁之國也 朱氏曰今靈夏

等州之地 曹氏曰即六月所謂侵鎬及方郡縣

志夏州朔方縣什賁故城在縣治北即漢朔方縣

之故城也詩所謂王命南仲城彼朔方是也漢武

帝元朔二年收河南地置朔方五原郡使蘇建築

朔方什賁之號蓋蕃語也 程氏曰城朔方而獫
 狁之難除禦戎狄之道守備為本不以攻戰為先
 也 史記匈奴傳戎狄逐周襄王暴虐中國故詩
 人歌之曰出輿彭彭城彼朔方 漢書宣王興師
 征伐詩人美大其功曰出車彭彭城彼朔方

西戎

朱氏曰昆夷也 後漢西羌傳武乙暴虐犬戎寇
 邊周古公踰梁山而避于岐下及子季歷遂伐西
 落鬼戎太丁之時季歷復伐燕京之戎戎人大敗

周師後二年周人克余無之戎於是太丁命季歷
 為牧師自是之後更伐始呼翳徒之戎皆克之
紀年及文王為西伯西有昆夷之患北有獫狁之難
 遂攘戎狄而戍之莫不賓服乃率西戎征殷之叛
 國以事紂

南有嘉魚

毛氏曰江漢之間魚所產也 左太冲蜀都賦嘉

魚出於丙穴

陸氏曰丙穴在漢中沔陽縣北穴口
 向丙故曰丙 類要丙水出丙穴在

興州順政縣今沔州 文選注丙地名有魚穴二
 所常以三月取之 丙者向陽穴也 輿地記穴

口廣五六尺泉源墜注有嘉魚常以三月自穴下透入水 太景山在興州南七十里與小景山相連本作丙以避諱改相 傳北有丙穴產嘉魚

四海

爾雅九夷八狄七戎六蠻謂之四海疏曰夷類有九畎夷于夷方夷黃夷白夷赤夷玄夷風夷陽夷又玄菟樂浪高驪滿飾鳧更索家東屠倭人天鄙蠻類有八天竺咳首僬僥跛踵穿胃儋耳狗軹旁脊戎類有六僥夷戎夫老白耆羌鼻息天剛狄類有五月支穢貊匈奴單于白屋

焦穫

毛氏曰周地接于玁狁者 爾雅十藪周有焦穫

孫炎云周岐周也 郭璞注今扶風池陽縣瓠中是也 寰宇記焦

獲藪在京兆府涇陽縣北外十數里亦名瓠口 溝洫志韓水工鄭國說秦令鑿涇水自山中西邸瓠口為渠 班彪北征賦夕宿瓠口之玄宮注以為焦穫 朱氏曰焦未詳所

在獲郭璞以為瓠中今在耀州三原縣 孔氏曰澤藪在瓠中而藪外接于玁狁

鎬方

鄭氏曰鎬也方也皆北方地名 孔氏曰漢劉向

疏云吉甫之歸周厚賜之其詩曰來歸自鎬千里之鎬猶以為遠鎬去京師千里顏師古注鎬非豐鎬之鎬王肅以為鎬京王基駁之朱氏曰劉向以為千里之鎬則非鎬京之鎬矣未詳所在方疑即朔方也

涇陽

鄭氏曰涇水之北孔氏曰水北為陽通典今涇原州地

竝涇水之陽郡縣志原州平涼縣本漢涇陽縣

地今縣西四十里涇陽故城是也涇水源出百泉

縣西南涇谷地理志并頭山淮南一名薄落水平涼縣今屬渭涇水亦曰薄落水

州

孔氏曰涇去京師為近

太原

禹貢既修太原顏師古曰即今晉陽黃氏曰晉

太原大鹵大夏夏虛晉陽凡六名朱氏曰太原

亦曰大鹵今在太原府穀梁傳中國曰大原夷狄曰大鹵左傳

注大鹵太原晉陽縣漢太原郡治晉陽後漢西羌傳穆

王遷戎于太原夷王命虢公率六師伐太原之戎

至于兪泉宣王遣兵伐大原戎不克周語宣王

料民於大原孔氏曰杜預云西河介休縣南有

地名千畝則王師與姜戎在晉地而戰也 毛氏
 曰至于大原言逐出之而已 史記戎狄逐周襄
 王暴虐中國故詩人歌之曰薄伐獫狁至于大原
 九域志古京陵在汾州周宣王北伐獫狁時立
 郡縣志在平遙縣東七里漢京陵縣又曰太原
 臺駘之所居 帝王世紀帝堯徙晉陽即今大原
 也 地理志趙西有太原秦莊襄四年初置大原
 郡 漢二十 唐開元十一年改并州為大原府高
 齊移晉陽縣於汾水東隋開皇十年於州城中古

晉陽置太原縣在州東二里百六十步太平興國
 四年省入榆次 薛氏禹貢解曰太原在榆次縣
 左傳晉居浹山戎狄之與鄰而遠于王室王靈
 不及拜戎不暇 中行穆子敗狄于太原注晉陽縣

中鄉

鄭氏曰美地名

蠻荆

毛氏曰荊州之蠻也 鄭語史伯曰當成周者南

有荆蠻 注芊姓之蠻 叔熊逃難於濮而蠻 濮蠻蠻

芊蠻矣

謂叔熊

晉語叔向曰晉成王盟諸侯於歧

陽楚為荆蠻

注荆州之蠻

置茅蕝設望表與鮮牟

東夷國

守燎故不與盟

吳語有蠻荆之虞

後漢南蠻

傳槃瓠後滋蔓今長沙武陵蠻是也周世黨眾彌

盛宣王中興乃命方叔南伐蠻方詩人謂蠻荆來

威

楚世家熊霜元年周宣王初立

曹氏曰宣王北伐之事大矣

然止見於六月之詩其所任者吉甫一人而已至

於南征在小雅見於采芑者則命方叔在大雅見

於江漢者則命召虎見於常武者則命大師皇父

而各言其成功則荆蠻淮夷之作難非一時其所

任非一人

東都

朱氏曰東都洛邑也周公相成王營洛邑為東都

以朝諸侯周衰久廢其禮至宣王復會諸侯左

傳成王合諸侯城成周以為東都通鑑外紀成

王使召公先相宅周公至洛師復卜申視營築謂

之王城是為東都制郊畿方六百里因西土為方

千里分為四縣縣有四郡郡有鄙曰此天下之中

四方入貢道均

書傳云五年營成洛邑

晁氏曰管夏后初

都陽城南踰洛陽百里而遠成湯遷亳殷東踰洛陽五十里而近皆會洛陽而不都周興武王既定鼎郊廓厥後召公相宅洛邑周公營成周其意盛矣而成王卒不果遷逮夫宣王中興自濟之洛狩于圃田及于敖山因以朝諸侯車攻之詩作焉豈不欲成周召之志歟且宣王嘗狩于岐而石鼓之詩亦偉矣夫子乃舍而弗錄得非岐之狩為常而東都之狩非常乎惜夫宣王卒亦不果遷也至平

王是遷而周衰矣 王氏曰成王欲宅洛者以天

事言則日東景朝多陽日西景夕多陰日南景短多暑日北景長多寒洛天地之中風雨之所會陰陽之所和也以人事言則四方朝聘貢賦道里均焉非特如此而已懲三監之難毖殷頑民遷以自近洛距妹邦為近則易使之遷作王都焉則易以鎮服也雖然鎬京宗廟社稷官府宮室具在不可遷也故於洛時會諸侯而已何以知其如此以詩考之宣王時會諸侯於東都而車攻謂之復古

言地... 十... 駕言徂東毛氏曰東洛邑也

文武竟土

曹氏曰岐周之地迫近西北二虜鎬方焦穫之地嘗為其所據

甫草

韓詩作圃草 鄭氏曰甫田之草也 鄭有甫田

音補謂圃田鄭藪也

呂氏春秋九藪梁之圃田 爾雅十

藪鄭有圃田 穆天子傳天子里甫田之路東至

于房 左傳鄭有原圃

郡國志河南中牟縣有圃田澤

郡縣志圃田澤一名原圃在鄭州中牟縣 今屬開封府

西北七里其澤東西五十里南北二十六里 水經注東

西四十餘里 西限長城東極官渡上承管城縣界 水經注北

佩渠水 曹家陂又溢而北流為二十四陂 在管城縣東三里

水經注云渠水自河與沛亂流東榮澤北東南

分沛歷中牟縣之圃田澤北與陽武分水澤多麻

黃草述征記曰踐縣境便覩斯卉窮則知踰界詩

所謂東有圃草也 皇武子曰鄭之有原圃猶秦

之有具囿澤在中牟縣西 竹書紀年梁惠成王

詩也里文

卷之三

及古

十年入河水于甫田又為大溝而引甫水 朱氏
 曰甫草甫田也後為鄭地宣王之時未有鄭國圃
 田屬東都畿內故往西也 陳氏曰九州川浸澤
 藪名在職方不屬諸侯之版而詩不以圃田繫鄭
 春秋不以沙麓晉略可觀矣周季諸侯始擅不盼
 之利齊幹山海而桃林之塞郇瑕之地晉實私之
 甚者至周歲貢百二十金於魏以易溫圃 韓詩
 東有圃草 補傳曰甫田易野也易野以車為主
 故用以選車田車既好是也

敖

郡縣志敖山在鄭州滎澤縣西十五里春秋時晉

師在敖鄙之間

二山名在滎陽縣西北

宋武北征記曰秦

時築倉於山上漢高祖亦因敖倉傍山築甬道下
 汴水踐土臺故王宮在縣西北十五里臨汴水南
 帶三皇山秦所置仲丁遷于蹕此也詩薄狩于敖
 皆此地 括地志滎陽故城在鄭州滎澤縣西南
 十七里殷時敖地周時名北制在敖山之陽 水
 經濟水東逕敖山北注云詩薄狩于敖山上有城

殷仲丁所遷秦置倉於其中亦曰敖倉城 鄭氏
 曰敖鄭地今近滎陽 呂氏曰晉師救鄭在敖鄆
 之間設七覆于敖前則敖山之下平曠可以屯兵
 翳薈可以設伏東有甫草卽此地 郡國志河南
 滎陽有敖亭周宣王狩于敖 補傳曰敖險野也
 險野以人爲主故用以選徒

漆沮

禹貢雍州漆沮旣從蔡氏曰漆水寰宇記自耀州
 同官縣東北界來經華原縣合沮水沮水地志出

北地郡直路縣東今坊州宜君縣西北境也寰宇

記沮水自坊州昇平縣北子午嶺出俗號子午水

下合榆谷慈馬等川遂爲沮水至耀州華原縣合

漆水至同州朝邑縣東南入渭二水相敵故並言
 之旣從者從於渭也 朱氏曰漆沮在西都畿內

涇渭之北所謂洛水今流入鄜坊至同州入河

段氏曰書所謂漆沮在澧水涇水之東爲渭之下

流吉日漆沮乃會於東都繼田獵之後則宜爲下

流之漆沮蓋遠歷鄜坊比之東都爲地近 李氏

曰禹貢東過漆沮即此漆沮是也 孔氏傳在涇

水之東一名洛水與自土沮漆者別也此職方氏

所謂雍州其浸渭洛非河南之洛也 水經注洛水關駟以為漆

沮之水 史記正義括地志云洛水源出慶州洛源縣此非古公所度漆沮也

南山

幽幽南山劉氏曰鎬京之陽終南之山 嚴氏曰周都豐鎬面

對終南故天休祝君斯干考室節南山刺師尹皆指此山

沔水

晉語公子賦河水注河當作沔字相似誤也 嚴氏曰杜

詩云衆流歸海意萬國奉君心與此詩意同

褒

輿地廣記興元府褒城縣故褒國漢置褒中縣

括地志褒國故城在縣東二百步 國都城記褒國姒姓夏同姓所

封 水經注石門在漢中之西褒中之北褒水又東南歷褒口即褒谷之南口也北口曰斜褒水又

南逕褒縣故城東褒中縣也本褒國又南流入于漢南鄭縣故褒之附庸周顯王之世蜀有褒漢之

地至六國楚人兼之懷王衰弱秦略取焉 晉語周幽王伐有褒 鄭語褒人褒姒 魯詩閭妻扇

方處 班倖仔賦 哀褒閭之為郵

百川沸騰

周語幽王二年西周三川皆震注西周鎬京也邠岐之所近三川涇渭洛洛即漆沮震動也地震故三川亦動 伯陽父曰管伊洛竭而夏亡河竭而商亡今周德若二代之季矣是歲也三川竭岐山崩

向

孔氏曰左傳桓王與鄭十二邑向在其中杜預云

河內軹縣西有地名向上則向在東都之畿內也

軹縣唐省入孟州濟源水經注云向城北向岡左傳襄十

一年諸侯伐鄭師于向 朱氏曰都大邑周禮畿

內大都方百里小都方五十里皆天子公卿所封也向在東都畿內今孟州河陽縣是也 九域志同州有向城詩作都于向謂此

蘇公

鄭氏曰蘇畿內國 孔氏曰左傳管周克商使諸

侯撫封蘇忿生以溫為司寇則蘇國在溫杜預曰今河內

溫縣是東都畿內也春秋時蘇稱子此云公者蓋子爵而為

三公書司寇蘇公鄭語已姓昆吾之後僖十年溫子奔衛傳云蘇子注國於溫故

曰溫子世本蘇成公作篚寰宇記故溫城在孟州溫縣西三

詩也里文 卷之三 及古

十里地理志河內郡溫縣故國已姓蘇忿生所封

暴公

鄭氏曰暴畿內國 春秋文八年公子遂會雜戎

盟于暴杜氏注鄭地朱氏曰戰國及漢時有人姓暴世本暴辛公作頃 譙周

古史考云古有頃麓尚矣 風俗通暴辛公周諸侯也

有北

毛氏曰北方寒涼不毛之地 莊子窮髮之北

楊園 畝丘

毛氏曰楊園園名朱氏曰畝丘丘名 爾雅釋丘云下地也 如畝李巡曰

謂丘有壟界如田 畝 朱氏曰高地

此園丘詩人見之為詳

東國 譚 見前

孔氏曰譚國在京師之東 陳氏曰晉之乘楚之

檇杙魯之春秋皆東遷之史也古者諸侯無私史

有邦國之志則小史掌之而藏周室魯人所謂周

人御書晉人所謂辛有之二子董之晉於是董

史者也是故費誓繫於周書漢汝江沱至於譚大

夫下國之詩皆編入於南雅 朱氏曰小東大東

東方小大之國也自周視之則諸侯之國皆在東

方文中子龔氏注周之侯國各得獻詩於王若大東漸漸之石之類是也

沆泉

毛氏曰側出曰沆泉

音軌 狹而長如車軌 釋名流

江漢南國之紀

鄭氏曰江漢南國之大水 曹氏曰江漢受百川

之水而注之海無泛濫之患所以紀理南國此

詩指江漢而言盡瘁以漸漸之石之詩考之幽王

時荆舒嘗叛命將徂征則從征役之事者多矣禹貢

江漢朝宗于海黃氏曰江漢至荊州合流去海猶遠而已有朝宗之勢俗彊於此示訓 孔氏曰納王之時楚已強矣 鄭語史伯謂桓公曰南有荆蠻不可以入

芄野

毛氏曰遠荒之地 蘇氏曰芄地名

淮水 三洲

禹貢導淮自桐柏東會于泗沂東入于海 朱氏

曰淮水出信陽軍桐柏山至楚州漣水軍入海

地理志南陽郡平氏縣今唐州桐柏縣桐柏大復山在東

南水經胎淮水所出東南至淮陵今招信縣入海 孔

氏曰鄭於中候握河紀注云昭王之時鼓鍾之詩

所為作者依三家為說也 水中可居曰洲 朱氏曰三

洲淮上也 蘇氏曰始言湯湯水盛也中言潛潛水流也

終言三洲水落而洲見也言幽王之久於淮上也

呂氏曰三洲作詩者賦其所見也

信南山

董氏曰南山終南山也雍州之山終南則禹固治

之矣 括地志終南山一名南山 劉氏曰終南在鎬京之南

瞻彼洛矣

毛氏曰洛宗周浸漑水也 職方氏雍州其浸渭

洛易氏曰按漢志左馮翊懷德縣即彊梁原之洛

水 說文洛水出左馮翊歸德北夷中東南入渭懷德即京兆之富平縣今屬耀州即馮翊之地

北條荆山在縣西正洛水之源也孔安國注禹貢

漆沮亦曰洛水出馮翊北又一洛水出慶州洛源

縣有於白山在縣北三十里洛水所出因以名縣

東流至鄜州洛交縣又東南流至京兆府雲陽東

又經同州澄城西北去富平之懷德亦近 非禹貢導洛自

熊耳之洛淮南墜形訓洛出獵山注獵山在北地西北夷中洛東南流入渭詩云瞻彼洛矣是也

括地志洛水一名漆沮水源出慶州洛源縣白於山東南流鄜丹同三州至華陰北南流入渭

王氏曰洛東都之所在也呂氏曰毛傳以洛為宗周之浸水洛水雖出於

京兆上洛西山然其流尚微此詩所謂洛蓋指東都也朱氏曰洛水在東

都會諸侯之處言天子至洛水之上御戎服而起六師蔡氏曰洛

水地志云出弘農郡上洛縣冢領山水經謂之謹

舉山今商州洛南縣至鞏縣入河今河南鞏縣南左傳雜

山海經洛水成皋西入河謂之洛汭張儀曰什谷之口史記音義鞏縣有鄆谷水

鎬京今京兆長安縣昆明池北鎬陂郡縣志周武王

宮即鎬京也在京兆府長安縣西北十八里自漢

武帝穿昆明池於此鎬京遺趾淪陷焉括地志

瀉水源出長安縣西北瀉池水經注云瀉水承瀉

池北流入渭孟康曰長安西南有鎬池古史考

武王以鄆與鎬同秦紀鎬池君水經渭水東北與鄆水合注

承鎬池於昆明池北武王所都漢穿昆明池於

是地今無可究赫赫宗周毛氏曰鎬京也周

宗既滅鄭氏曰周宗鎬京也

爾雅檻泉正出涌出說文作濫

蠻髦

毛氏曰蠻南蠻也髦夷髦也 鄭氏曰髦西夷別

名武王伐紂其等有八國從焉 牧誓及庸蜀羌

髳微盧彭濮人 髳髦音義同孔氏曰髳在巴蜀 括地志姚府以

南古髳國之地有髳州 唐地理志諸蠻州有髳州

謝 召伯

郡國志南陽郡宛縣本申伯國棘陽縣東北百里

有謝城 朱氏曰謝邑名申伯所封國也今在鄧州信陽軍 鄭語桓公曰

謝西之九州何如史伯曰惟謝邾之間是易取也

注謝由伯之國今在南陽謝西有九州一千五百

家曰州邾南謝北號邾在焉 輿地廣記棘陽故

謝國漢為棘陽縣屬南陽其後省故城在今唐州

湖陽縣西北 水經注泚水又西南流謝水注之

水出謝城北建武十三年封樊重少子丹為謝陽

侯即其國也 崧高于邑于謝南國是式毛氏曰

謝周之南國也 召伯周語注召公召康公之後穆公虎也

滌池 北流

鄭氏曰豐鎬之間水北流 毛氏曰滌流貌 水經注邠水

寺也里攷

又北流西北注與滌池合水出鄠池西而北流入于鄠世傳以為水名 寰宇記渭水西自京兆鄠

縣流入長安漢建元三年造便橋跨渭斯滌池之

別名西北合渭水 說文作滌沱 九域志京兆府冰池按十道志

名彪池亦名聖女泉

荆舒

鄭氏曰荆謂楚也舒舒鳩舒鄧舒庸之屬 春秋

莊十年書荆僖元年始書楚 孔氏曰殷武荆楚并言之楚之稱荆久矣

公羊傳荆者州名也 穀梁傳謂之荆狄之也 聖人立必後至天子弱必先叛故曰荆狄之也

地理志成王封熊繹於荆蠻為楚子居丹陽 向熊繹辟在荆山 括地志歸州巴東縣東南四

里歸故城熊繹之始國也 春秋有舒 在今廬

縣 地志秭歸縣東有丹陽城 舒鳩 舒庸 謂之羣舒皆

偃姓 皋陶後 世本舒鮑偃姓 地理志廬江郡

舒縣故舒國龍舒縣羣舒之邑 龍舒故城在無為軍廬江縣西唐世

系表舒又曰羣舒舒蓼舒庸舒鳩一國 而有五名朱氏曰州楚本號舒近楚

西戎 見前 東夷

左傳椒舉曰周幽為大宰之盟戎狄叛之 後漢

西羌傳幽王命伯士伐六濟之戎軍敗 見竹書紀年 戎

圍犬丘 書序成王既伐東夷孔氏注海東諸夷

駒麗扶餘馭豸之屬武王克商皆通道焉 孔氏疏漢有高

駒麗扶餘馭即韓也北方曰豸又云東北夷也

詩地理攷卷之四

受命作周

朱氏曰受命受天命也作周造周室也稱王改元之說歐陽公蘇氏游氏辨之已詳武成惟九年大統未集若以文王在位五十年推之不知九年何

處數起 尚書大傳曰文王命一年斷虞芮之質二年伐邠三年伐密須四年伐大夷五年伐

耆六年伐崇七年而崩 孔安國見武成篇故泰誓傳曰周自虞芮質厥成諸侯並附以為受命之

年至九年文王卒 葉氏曰詩言周雖舊邦其命維新以虞芮質厥成為文王受命之年儒者之傳

固有自矣是以武王稱誕膺天命九年

詩地理攷

卷之四

及古閣

摯

毛氏曰摯國名任姓 周語摯疇之國由大任注摯

疇二國奚仲仲虺之後大任之家

唐世系表祖已七世孫曰成

徙國於摯

仲虺居薛臣扈祖已皆其胄裔 傅氏曰自彼殷商來嫁于周則摯是殷商畿

國內

京

朱氏曰裸將于京周之京師也曰嬪于京依其在

京周京也王配于京鎬京也

乃觀于京高丘也

殷商

史記正義自湯已下號商自盤庚改號曰殷括地

志相州安陽縣本盤庚所都即北冢殷墟南去朝

歌城百四十六里竹書紀年盤庚自奄遷北冢曰

殷墟南去鄴四十里

舊鄴城西南三十里有洹水在相州北四里南岸三里

安陽城即相州外城西有城名殷墟所謂北冢也 史記項羽與章邯盟洹水南殷墟上

鄭

氏曰契有功封商湯始居亳之殷地 荀子契玄

王生昭明居於砥石

或曰即砥柱

遷于商

十四世有成湯

書

盤庚遷于殷

孔氏曰亳之別名

孔氏曰成湯之初以商

為號及盤庚後為殷取前後二號而言之 曹氏

曰盤庚復治亳之殷地湯之故居故兼稱殷商朱氏
曰商言其國
殷言其地

洽陽

毛氏曰洽水也穀梁傳水北曰陽 地理志左馮

翊郃陽縣在郃水之陽 說文引詩在郃音合之陽

朱氏曰洽水名本在今同州郃陽夏陽縣今流

已絕故去水而加邑渭水亦逕此入河括地志郃陽故城在

同州河西水經注曰郃陽城南有漢水東流注

于河水南猶有文母廟前有碑去城十五里水即

郃水也縣取名焉郡縣志水在舊河西縣南五里今郃陽界內

渭渙

毛氏曰渭水厓 王氏曰洽之陽渭之渙莘國所

在 朱氏曰渭水至同州馮翊縣入河 孔氏曰

造舟比船於水加版於上即今之浮橋杜預曰造

舟為梁則河橋之謂也爾雅天子造舟 鄭氏曰周制也殷時未有等制

程氏曰親迎于渭文王未為君周國在渭旁不是出疆

莘

毛氏曰莘大姒國 水經注郃陽城故有莘邑大

奴之國輿地廣記同州郃陽縣古莘國

括地志古新女國城在

同州河西縣南二十里

世本莘奴姓禹後唐世系表啓封支子于莘

牧野

牧說文作毋孔氏曰紂南郊地名

通典衛州汲縣牧野之

地九域志汲城本牧野之地漢為縣

郡國志朝歌縣南有牧野

牧誓注紂近郊三十里地名牧括地志今衛州城即牧野之地武王至牧野乃築此城孔氏曰

商郊牧野是郊上之地戰在

乎野故曰野詩于牧之野皇甫謐曰在朝歌

南七十里

水經注自朝歌以南暨清水土地平行據臯跨澤悉姆野之地故詩稱姆野洋

野洋竹書紀年曰武王率西夷諸侯伐殷敗之于牧括地志朝歌在衛州東北周書克殷曰周

車三百五十乘陳于牧野

自土沮漆

地理志右扶風杜陽縣今鳳翔府普潤縣杜水南入渭詩

曰自杜顏氏注詩自土沮漆齊詩作自杜言公劉

避狄而來居杜與沮漆之地鄭氏曰公劉遷于

豳居沮漆之地段氏曰漆沮有二皆出雍州皆

東入于渭特有上流下流之別詩漆沮入於渭之

上流自土漆沮言於岐周之間書漆沮入於渭之下流言於東

又東會於涇之下十三州志云漆水出漆縣西北至岐山

寺地理攷

卷之四

及古

東入渭後漢注漆縣故城在邠州新平縣沮水不知所在此詩自土沮漆者也十三州志萬年縣南有涇渭北有小河即

也沮水也晁氏曰地理志漆水在扶風漆縣西此函

之漆也水經漆水出扶風杜陽縣俞山東北入於渭括地志沮水出雍州富平縣東入櫟

陽南漆水出岐州普潤縣東南岐漆山嚴氏曰

沮漆名稱相亂水經云沮水出北地郡直路縣東

過馮翊般祚縣北東入于洛此沮水之源流也漢

志扶風有漆縣漆水在縣西東入渭又闕駟十三

州記云漆水出漆縣西北至岐山東入渭此漆水

之源流也沮出北地入洛漆出扶風入渭沮自沮

漆自漆也至孔氏引水經云沮水俗謂之漆水謂

之漆沮此則名稱相亂矣諸家書解以出扶風之

漆水與出北地之漆水為二謂扶風之漆水至岐

山入渭在灃之上流而書言渭水會灃會涇之後

乃過漆沮則漆沮在灃水涇水之下流故以書之

漆沮為出北地之漆沮與詩扶風之漆別也但水

經出北地者止是沮水而謂之漆沮耳如上所言

則詩之漆沮自是二水書之漆沮止是一水即詩

若為漆沮一名洛水則漆沮即洛也而又云入洛

寺也里文

卷之四

及古月

何也姑闕之以俟知者此詩沮漆指函國是漆沮

率西水滸

是上流也下文言周原傳以為漆沮之間指岐周

亦去岐周不遠也疏云漆沮二水在函地但二水

東流亦過周其說是在雍州東正義二水在雍州

西其名洛水者在雍州東山海經兪次之山漆

水出焉北流注于渭說文漆水出右扶風杜陵

縣岐山東入渭水經注今有水出杜陽縣岐山

北漆溪謂之漆渠

西南流注岐水

鄭氏曰循西水厓沮漆水側也 周紀古公去豳

渡漆沮 徐廣曰水在杜陽岐山 顏氏曰漆水在新平

岐下

孟子大王去邠踰梁山邑于岐山之下居焉 括地志梁

山在雍州好時縣西北十八里鄭氏云岐山西南 郡縣志岐山亦名天

柱山在鳳翔府岐山縣東北十里 地理志右扶

風美陽縣岐山在西北中水鄉周大王所邑 水

經注岐水歷周原下北則中水鄉成周聚水北即

岐山 皇甫謐云今美陽西北有岐城舊址 孔氏曰皇矣稱居岐之陽在渭之將是其處險阻

也地理志大王徙邽闕宮實維大王居岐之陽實始翦商朱氏傳曰大王自豳徙居岐陽四方之民咸歸往之王迹始著蓋有翦商之漸矣

周原

郡國志右扶風美陽有岐山有周城 杜預云城在縣西北 周

大王所徙南有周原 郡縣志鳳翔府扶風縣本

漢美陽地 通典美陽故城在京兆府武功縣北七里 皇甫謐云邑於

周地始改國為周 史記正義岐山下 毛氏曰周

原沮漆之間也 鄭氏曰廣平曰原周之原地在

岐山之南膺膺然肥美 韓詩周原腓腓

虞芮

毛氏曰虞芮之君爭田久而不平乃相謂曰西伯仁人也盍往質焉乃相與朝周入其境則耕者讓畔行者讓路入其邑男女異路頌白不提挈入其朝士讓為大夫大夫讓為卿二國之君感而相謂曰我等小人不可以履君子之庭乃相讓以其所爭田為閒田而退天下聞之而歸者四十餘國

郡縣志故虞城在陝州平陸縣東北五十里虞山

之上古虞國

地理志河東大陽縣吳山在西上有吳城

芮城在陝州芮

城縣西二十里古芮國

晉太康地記虞西百四十里有芮城

閒原在

平陸縣西六十五里即虞芮爭田讓為閒田之所

蘇氏曰芮在同之馮翊郡國志左馮翊臨晉有芮鄉古芮國與虞相讓者

溲彼涇舟 鳧鷖在涇

涇水出原州百泉縣涇谷東南流至涇州臨涇保

定二縣又東南流至邠州之宜祿新平永壽三縣

又東北流至京兆之醴泉高陵雲陽三縣以入渭

旱麓

毛氏曰旱山名麓山足 地理志漢中郡南鄭縣

旱山沱水所出東北入漢 說文林屬於山為麓

曹氏曰旱山在梁州之地與漢廣相近故取以

興焉 周語旱麓之榛楛殖故君子得以易樂于

祿焉 九域志興元府有旱山 寰宇記在南鄭縣西南二十里 周地圖記云山上有雲即雨

密

毛氏曰國有密須氏 呂氏春秋密須之民自縛

其主而與文王 地理志安定郡陰密縣詩密人

國 括地志陰密故城在涇州鶉觚縣西其東接

縣城即古密國 周語共王遊涇上密康公從又曰密須由伯姑 左傳密須之鼓與

其大路文所以大蒐也杜氏注密須姑姓國文王伐之得其鼓路 郡縣志涇州靈臺縣西陰密故城即古密國 輿地廣記商時密國之地本鶉觚隋取文王伐密而民始附之意以靈臺名縣 朱氏曰密密須氏也姑 朱

阮 共

張氏曰阮國名共阮國之地名皆在今涇州今有

共池即共也 氏族略阮商諸侯國在岐渭之間 鄭氏曰阮也祖

也共也三國犯周而文王伐之 孔氏曰魯詩亦

以阮祖共皆為國名孫毓云文王七年五伐未聞

有阮祖共三國助紂侵周文王伐之之事 孟子

以遏徂莒

注以遏止往伐莒者

朱氏曰徂旅密師之往共

者也

鮮原

蘇氏曰文王既克密須於是相其高原而徙都焉

所謂程邑是歟 孔氏曰大王於遷已在岐山此

亦在岐山之陽去舊都不遠周書稱文王在程作

程寤程典皇甫謐云文王徙宅於程蓋謂此也

朱氏曰其地於漢為扶風安陵今在京兆府咸陽

縣地理志安陵關駟以為本周之程邑通鑑外紀西伯自岐徙鮮

原在岐山之陽不出百里 鄭氏曰地在岐山之

南居渭水之側後竟徙都于豐 曹氏曰大王邑于岐山之下猶在岐

北文王既勝密須於是度鮮原於岐山之南渭水之側定程邑而遷都焉魯頌大王居岐之陽謂岐

北非 孟子文王治岐 左傳成有岐陽之蒐郡

也 杜陽縣地貞觀七年置以在岐山之南因以名之

輿地廣記此詩所謂居岐之陽也文王始亦治焉元和三年省入扶風縣括地志安陵故城在咸陽東二十一里周之程邑書文王肇國而西土

崇

鄭氏曰崇侯虎倡紂為無道 通典崇國在京兆府鄠縣帝王世紀蘇

封崇伯國在豐鎬之間 史記伐崇而作豐邑伏

周有崇國晉趙穿侵崇 崇之四

湛曰以伐崇庸崇國城守先退後伐

氏族略其地在鄠縣東

皇極經世商受十八年西伯伐崇自岐徙居豐

注既伐于崇作邑于豐是國之地也

靈臺

三輔黃圖在長安西北四十里高二丈周四百

二十步 三輔故事在豐水東

水經注澧水北經靈臺西左傳秦

獲晉侯會諸靈臺杜氏注在鄠縣周之故臺也又

云鄠在鄠縣東有靈臺屬京兆府地理志文王

作鄠注今長安西北界靈臺鄉豐水上是朱氏

曰言倏而成如神靈之為司馬法曰偃伯靈臺

節也伯謂師

靈囿

黃圖在長安縣西四十二里

孟子文王之囿方七十里

靈沼

黃圖在長安二十里

鄭氏駁異義云於臺下為囿沼

辟雍

毛氏曰水旋丘如璧曰辟雍以節觀者 黃圖文

王辟雍在長安西北四十里 史記豐滄有天子

辟池索隱云即周天子辟雍之地 張氏曰靈臺

辟雍文王之學也辟廡之在鎬京者武王之學也

言地理
莊子文王有辟雍之樂鄭氏曰辟雍及三靈皆同處在郊書大傳樂曰舟張辟雍戴氏曰言文王之樂不在臺沼靈囿而在辟雍也

豐

朱氏曰豐在今京兆府鄠縣終南山北地理志

文王作豐括地志豐宮在鄠縣東三十五里

地理志京兆鄠縣豐水出其東南皇甫謐云豐在京兆府鄠縣東

豐水之西文王自程徙此孔氏曰從說文豐

鮮原徙豐在岐山東南三百餘里

周文王所都在京兆杜陵西南朱氏曰即崇國之地今鄠縣杜陵西南通典鄠今京兆府長安縣西北靈臺鄉豐水

上左傳康有豐宮之朝召誥王朝步自周鎬京

畢命王朝步自宗周鎬京至于豐文王所都

豐水

鄭氏曰豐水禹治之使入渭東至于河豐邑在豐

水之西鎬京在豐水之東朱氏曰豐水東北流徑豐邑之東入渭而注于

河豐水有芑鎬京在郡縣志豐水在出京兆府

鄠縣東南終南山自發源北流經縣東二十八里

北流入渭禹貢澧水攸同地理志鄠水出扶風鄠縣東南北過上林

苑入黃圖出鄠南山豐谷北入渭黃氏曰北

寺也里汶

至咸陽縣入渭

鎬京 見前

坊記引詩度是鎬京 郡國志注豐鎬相去二十

五里

鎬在京兆上林苑中黃圖鎬池在昆明池之北即周之故都通典云鎬陂

夾漈

鄭氏曰周地西迫戎狄自岐之豐自豐之鎬是西

遠戎而東即華也 朱氏曰鎬京武王所營也去

豐水東去豐邑二十五里 周書文傳曰文王受

命九年在郃召太子發 戴氏曰武王都鎬京為

四方來朝者豐不以容之先作辟雍以養人才

郃

毛氏曰姜嫄之國 郡縣志故釐城一名武功城

在京兆府武功縣西南二十二里古郃 白虎通 國

也 后稷姜嫄祠在縣后稷母家也 鄭氏曰后稷成功堯改封於

郃就其成國之家室 左傳作駘 魏駘芮岐畢吾西土也杜氏注

后稷受此五國駘在武功縣所治釐城釋文當作郃 郡國志右扶風郃縣

有郃亭 郡縣志秦孝公作四十一縣釐武功各

其一釐與郃音同武功蓋在渭水南今郃縣地是

也 樊噲攻雍釐城注云即后稷所封今武功故

寺也里友

卷之四

及古

城是濼縣

漢屬右扶風後周置武功於故濼城

孔氏曰邠國自有

君此或滅或遷故以其地后稷

闕宮奄有下國朱氏曰封於邠也

百泉 溥原 流泉

曹氏曰漢朝那縣屬安定郡隋改為百泉縣屬平

涼郡魏於其地置原州唐因之百泉溥原即其處

郡縣志邠州三水縣以縣界有羅川谷三泉並流故以為號幽城在縣西高泉山亦曰甘泉在永壽縣北二十五里五龍原在新平縣南三里原側有五泉水因名

隰原

鄭氏譜曰函在府州原隰之野

孔氏曰禹貢雍

州原隰底績是原隰屬雍州也公劉居幽度其隰

原以治田是幽居原隰之野 蔡氏曰廣平曰原

下溼曰隰度其隰原即指此其地在幽今邠州

正義原隰幽州地也 郡縣志邠州新平縣有五龍原永壽縣有永壽原宜祿縣有淺水原 白虎通詩引于邠斯觀

涉渭

史記周紀公劉自漆沮渡渭取材用

郡縣志邠州公劉所居之地州治新平縣即漢漆縣漆水在縣西九里西北流注于涇 史記正義公劉從漆縣漆水南渡渭水至南山取材木 為用漆水東入渭

寺也里文

卷之四

及古

皇澗 過澗

傅氏曰二澗當在邠州界釋名山夾水曰澗孔氏謂皇澗縱在兩旁而

夾之過澗橫故在北而嚮之亦可想見其形勢矣芮鞠之即則又在過澗之南鞠者外也

芮鞠

周禮注作汭坻 地理志注韓詩作芮坻與鞠同

職方雍州其川涇汭 地理志芮水出右扶風汭

縣吳山西北東入涇詩芮坻雍州川也今隴州汭原縣

蘇氏曰芮鞠芮水之外也郡縣志涇州良原縣有汭水一名宜祿川西自隴州華亭縣流入傅氏曰康成以為芮

是水內與注禮自相反當以職方為信

凡伯

孔氏曰畿內國左傳凡周公之後春秋凡伯杜氏注

郡共縣東南有凡城 郡縣志故凡城在衛州共

城縣西二十里古凡伯國通典凡伯國在衛州黎陽縣

召見前

周語彘之亂宣王在召公之宮注避難奔召公召公周之支族食邑

於召康公之後穆公虎

夏后

帝王世紀禹受封為夏伯在豫州外方之南今河

南陽翟是也周書度邑篇武王問太公吾將因有
夏之居即河南是也孟子注禹號夏后氏后君也禹受禪於君故夏稱后

鬼方

易高宗伐鬼方毛氏曰遠方也漢匡衡傳成湯化異俗

懷鬼方後西羌傳武丁征西戎鬼方竹書紀年周王季伐西落鬼戎大戴禮帝繫曰陸終

氏娶于鬼方氏漢五行志注鬼方絕遠之地一曰國名文選注世本注曰鬼方於漢則先零戎是也

蠻方

鄭氏曰九州之外不服者曹氏曰職方氏衛服之外即蠻服禹貢荒服

三百里蠻周語蠻夷要服戎翟荒服

芮伯

鄭氏曰畿內諸侯字良夫書序注芮伯周同姓

國在畿內左傳注芮國在馮翊臨晉縣通典

同州馮翊縣古芮國地理志臨晉縣芮鄉故芮國夾祭鄭氏曰其地即陝

芮城為晉所滅

崧高

毛氏曰山大而高曰崧嶽山之尊者東岱南衡西

華北恒堯時姜氏為四伯掌四嶽之祀郭璞注

寺也里攷

卷之四

及古

爾雅曰今中嶽崧高山蓋依此名李氏曰申甫

四岳之後安得專指為中嶽凡大而高者皆可名

之曰崧孔子間居嵩高惟嶽云此文武之德

也魏氏曰人之此心與天地山川相為流通固

也而人物之生又係乎時數清明之感山川英靈

之會祖宗德澤之積孔氏曰鄭語伯夷能禮於神

嶽之祀外傳史記特稱伯夷為四嶽由主嶽祀

故也齊世家四嶽佐禹有功虞夏之際封於呂或

甫申見前申伯

李氏曰崧高之山在穆王時則生甫侯詩禮記作

傳作在宣王時則生申伯朱氏曰甫是宣王時

人作呂刑者之子孫呂氏曰鄭氏遠取訓曹氏

曰封於申而職為侯伯猶召伯也禮記注周道

將與五嶽為之生賢佐仲山甫及申伯孔氏曰按

鄭志注禮在先未得毛詩傳外傳稱樊仲山甫則

與申伯同為嶽神所生

謝見前南國

南國是式鄭氏曰改大其邑使為侯伯南方之國

寺也里文卷之四

皆統理陳氏曰命為州牧也毛氏曰謝周之南
 國 林氏曰宣王之世申伯以王舅大臣為南國
 屏翰蓋前此申在王畿之內而宣王始分封之以
 扞城王室楚經營北方大氏用荀息之師其君多
 居于申合諸侯亦在焉秦漢之際南陽為要地高
 祖踰宛攻武關張子房曰強秦在前強宛在後此
 危道也漢與楚相持常出武關收兵宛葉間光武
 起南陽以宛首事申即宛也 孔氏曰申伯先受
 封於申國本近謝今命為州牧故邑於謝嚴氏曰申國在

宛謝城在棘陽申謝其地相近孔氏曰申國在南陽宛縣是在洛邑之南 申伯舊是伯

爵今改封之後或進爵為侯周本紀云申侯是申
 伯子與孫

郟

孔氏曰郟於漢屬右扶風在鎬京之西岐周之東
 申在鎬京之東南自鎬京適申塗不經郟時宣王
 蓋省視岐周故餞之於郟 朱氏曰郟在今鳳翔

府郟縣郡縣志本秦縣今縣東二十五里有故城今縣周天和元年築縣在渭水南一里縣

治城南 曹氏曰郟近岐周先王之廟在岐申伯
當斜谷

受封則冊命於先王之廟故王在岐而飲餞於郿
江漢言召虎之封亦曰于周受命

仲山甫

毛氏曰樊侯也 孔氏曰周語樊仲山父諫宣王

是為樊國之君也韋昭云食采於樊左傳王賜晉

文公樊邑則樊在東都畿內 周語樊穆仲 左傳注樊

一名陽樊野王縣西南有陽城 懷州河內縣本野王 晉語

王賜公南陽陽樊之田陽人不服倉葛曰陽有夏

商之嗣典有周室之師旅樊仲之官守 懷州修武縣有南陽

北音語南陽即此

城東方

宋氏曰仲山甫奉使築城于齊 孔氏曰不言祖齊東方齊也

毛氏曰古者諸侯之居逼隘則王者遷其邑而定

其居蓋去薄姑而遷於臨菑也 地理志瑯琊姑幕縣或曰薄姑後漢

注姑幕故城在今密州莒縣東北古薄姑氏之國括地志薄姑故城在青州博昌縣東北六十里今博興縣左傳注博昌縣北有蒲姑城孔氏曰齊於成王之世乃得薄姑之地輿地記青州千乘縣有薄姑城 孔氏曰史記齊世家獻公元年徙薄姑治

臨菑當夷王之時與此傳不合 毛氏在馬遷之前其言當有據朱

寺也里次

卷之四

及古

氏曰豈徙於夷王之時至是始備城郭之守歟
 臨菑今青州臨菑縣林氏曰宣王時北有獫狁
 南有荆楚東有徐夷故式是南邦以申伯城彼東
 方以仲山甫奄受北國以韓侯其為謀甚悉而犬
 戎自西作焉夫四隅而防其三有變出於不備之
 方韓詩以為封仲山父異姓之臣就封於齊鄧展
 注韓詩以為封仲山父異姓之臣就封於齊鄧展
 於齊此誤耳

韓侯 韓城

左傳韓武之穆也

鄭氏曰姬姓國後為晉所滅
 史伯曰武王之子應韓不在

通典同州韓城縣古韓國

原有韓

水經注王肅曰

涿郡方城縣有韓侯城

後魏志范陽郡方城縣有

李氏曰溥彼韓

城燕師所完涿郡乃燕地也又有奄受北國之言
 水經注聖水逕方城縣故城北又東南逕韓城東

引韓奕之言為證梁山恐是方城縣相近梁門界
 上之山此亦一說存之以備參考括地志方城
 故城在幽州固安縣南十里

梁山

地理志左馮翊夏陽縣故少梁梁山在西北 括

地志在同州韓城縣東南一十九里

爾雅梁晉望
 注在夏陽西

北臨河上蘇氏曰梁山韓之鎮也公羊傳河
 上之山也禹貢冀州治梁及岐曹氏曰禹治
 水自壺口循梁山而西水經河水南逕梁山原
 東注原自山東南至河九域志山在龍門之南

屠

出宿于屠潘水李氏曰同州鄜谷

茶今日

說文鄜

左馮翊郃陽亭

今同州

汾王

鄭氏曰厲王也流于彘彘在汾水之上

時人因以號之猶言

莒郊公劉北公

孔氏曰彘於漢河東永安縣也西臨汾

水蘇氏曰晉州霍邑是也在汾水之上

郡縣志汾水經

霍邑縣西二里周厲王陵在縣東北二十五里解頤新語曰晉敖訾敖其汾王之類乎

燕

王肅曰燕北燕國

董氏曰召公之國

曹氏曰武王子初

封於韓其時召康公封於北燕實為司空王命以

燕衆城之朱氏曰如召伯營謝山甫城齊春秋

諸侯城邢城楚丘之類地理志薊縣故燕國召

公所封

今燕山府東南六十里

括地志燕山在幽州漁陽縣國都城記云地在燕山之

野故國取名焉北燕伯欵始見春秋

百蠻 追貊

補傳曰蠻夷可以通稱北可稱蠻猶西可稱夷也

貊為北方之國先聖有蠻貊之說追為北方之國

始見於此毛氏曰因時百蠻長是蠻服之百國

也追貊戎狄國蘇氏曰錫之以追人貊人

鄭氏曰韓

寺也里文

卷之四

及古

侯先祖居韓城為侯伯其州界外接蠻服孔
 曰北狄亦謂蠻史記匈奴傳居于北蠻
 答趙商云九貉即九夷也又秋官注征北夷而
 獲是貉者東夷之種而分居于北故為韓侯所統至漢初其種皆在東北于并州之北無復貉種
 漢高祖四年北貉燕人來致梟騎助漢顏氏注貉
 在東北方三歸之屬皆貉也職方氏九貉注北
 方說文貉北方豸種也孔子曰貉之為言惡
 也爾雅疏狄類曰穢貉
 鄭氏曰其後追也貉也為獾狃所
 逼稍稍東遷

北國

鄭氏曰北面之國 孔氏曰職方氏正北曰并州

言受王畿北面之國當是并州牧也曹氏曰奄受北國蠻夷而

為之侯伯 黃氏曰即封唐戎索也今洛州曲梁 赤狄也 中山安喜鮮虞國真定鼓國橐城西壘肥 國皆白 狄也

淮夷

書成王東伐淮夷滅淮夷孔氏曰周公歸政之明年淮夷奄又叛魯征淮

夷作費誓滅淮夷 在成王即政後 陳氏曰淮夷之地不一徐州

在淮北徐州有夷則淮夷之在北者也揚州在淮

南揚州有夷則淮夷之在南者也江漢常武二篇

同為宣王之詩而同言淮夷召虎既平淮夷而告

成于王矣常武又曰鋪敦淮濱仍執醜虜故知淮

夷之地不一以地理考之曰江漢之潁王命召虎者是淮南之夷也若在淮北則江漢非所由入之路矣曰率彼淮浦省此徐土者是淮北之夷也若在淮南則徐土非聯接之地矣孔氏曰召公伐淮夷當在淮水之南魯僖所伐淮夷應在淮水之北當淮之南北皆有夷也後漢東夷傳殷武乙衰敝東夷浸盛遂分遷淮岱漸居中土周公征之遂定東夷厲王無道淮夷入寇王命虢仲征之不克宣王復命召公伐而平之嚴氏曰周興西北岐

豐去江漢最遠故淮夷最難服從化則後季倡亂則先動周人經理淮夷用力最多成王初年淮夷同三監以叛其後又同奄國以叛伯禽就封又同徐戎以叛至厲王之時四夷交侵宣王一命吉甫北方旋定繼命方叔伐蠻荆其後又命召公平淮南之夷又命皇甫平淮北之夷蓋南方之役至再至三淮夷未平則一方倡亂天下皆危故至淮夷平然後四方平此江漢常武所以為宣土之終事而繫之宣王大雅之末也

朱氏曰淮夷夷之在淮上者孔氏曰淮水之

上東方之夷 費誓注淮
浦之夷 姓纂有淮夷氏

江漢

鄭氏曰江漢之水合而東流 孔氏曰大別之南
漢與江合而東流漢志大別在廬江安豐縣界則
江漢合處在揚州之境命將在江漢之上蓋今廬
江左右江自廬江亦東北流故順之而行將至淮
夷乃北行嚮之也 胡氏曰杜預云禹貢漢水至
大別南入江夏界接漢水入江乃今漢陽軍之大
別山山之北漢口是也漢口亦云沔口亦曰夏口

江東卽鄂州江夏郡也至安豐一千五百里豈江
漢相合古今不同哉 呂氏曰胡氏辨江漢合流
既得之矣但去淮夷絕遠於經文頗不合或者會
江漢諸侯之師以伐之歟 嚴氏曰江漢之滸指
江北接淮南之地 林氏曰古者畿兵不出所以
重內調兵諸侯各從其方之便高宗伐楚蓋哀荆
旅武王伐商實用西土至於征徐以魯平淮夷以
江漢 陳氏曰江漢去周最遠不應親臨江漢之
遠而始命召虎也謂所伐之淮夷自江漢之滸而

入嚴氏曰江漢常武之詩皆以江漢喻王師江漢浮浮喻盛大而不可禦如江如漢止喻盛大

南海

呂氏曰淮夷在南故極其遠而言之曰至于南海

左傳楚子曰寡人處南海

于周受命

鄭氏曰岐周孔氏曰以召祖之故地在岐周岐

是周之所起有別廟在焉嚴氏曰周當指豐召

誥至于豐注云文王之廟在豐祭統云賜爵祿必

於太廟

錫山土田曹氏曰召乃康公分陝之采地宣王又以岐周山川益封召虎

程

毛氏曰程伯休父始命為大司馬郡國志雒陽

今河南府

有上程聚古程國伯休甫之國也

關中有程

地帝王世紀文王居程故此加為上程

楚語重黎氏世敘天地其

在周程伯休父其後也當宣王時失其官守而為

司馬氏

氏族略重為火正裔孫封於程

淮浦 淮濱

說文浦水濱也毛氏曰濱厓也嚴氏曰先征淮夷而後及徐方

此兵行猶未及淮
夷而徐方已震驚

徐土 徐方

孔氏曰徐土當謂徐州之地

朱氏曰徐州之土淮
北之夷也徐方徐國

亦即

曹氏曰禹貢徐州東至海北至岱南及淮

其地廣人衆矣若淮夷則東夷之種散處淮浦者

爾此先伐淮夷次征徐國蓋先其小而易者後其

大而難者 陳氏曰徐大而淮夷小淮夷即徐州

之夷而服屬於徐曰徐方者兼徐淮而言之曰徐

國者特言於徐戎也

徐國

地理志臨淮徐縣故徐國

嬴姓伯益佐禹有功
封其子若木於徐

郡縣志大徐城在泗州徐城縣北三十里徐子國

淮水西南自虹縣界流入今徐城省為鎮入臨淮
縣檀弓徐容居曰昔我先君駒王西討濟於河

後漢東夷傳徐夷僭號率九夷以伐宗周西至
河上穆王畏其方熾乃分東方諸侯命徐偃王主

之偃王處潢池東地方五百里行仁義陸地而朝
者三十有六國穆王使造父御以告楚令伐徐楚

大舉兵而滅之費誓徐戎孔氏注徐州之戎此
戎夷帝王所羈縻統馭故錯居九州之內秦始皇

逐出之左傳周有徐奄徐戎淮夷二國春秋昭
四年會于申有徐子又有淮夷曹氏曰宣王北

伐玁狁西征羌戎南威蠻荆獨徐方未服今徐方
來朝於王庭則四方既平矣傅氏曰在淮之北

者徐戎也在淮
之南者淮夷也

日辟國百里

蘇氏曰文王之世周公治內召公治外故周人之
詩謂之周南諸侯之詩謂之召南所謂日辟國百
里云者言文王之化自北而南至於江漢之間服
從之國日以益衆及虞芮質成而其旁諸侯聞之
相率歸周者四十餘國焉 陳氏曰風之終繫之
以函雅之終繼之以召旻豈非化之衰者必思聖
人而正之歟

卷終

詩地理攷卷之五

周頌

鄭氏譜曰周頌者周室成功致太平德洽之詩其
作在周公攝政成王卽位之初頌之言形容天子
之德光被四表格于上下無不覆燾無不持載此
之謂容於是和樂興焉頌聲乃作 禮運曰政也
者君之所以藏身也是故夫政必本於天殺以降
命命降於社之謂殺地降於祖廟之謂仁義降於
山川之謂典作降於五祀之謂制度又曰祭帝於

郊所以定天位祀社於國所以列地利祖廟所以
本仁山川所以備鬼神五祀所以本事又曰禮行
於郊而百神受職焉禮行於社而百貨可極焉禮
行於祖廟而孝慈服焉禮行於五祀而正法則焉
故自郊社宗廟山川五祀義之脩禮之藏也功大
如此可不美報乎故人君必潔其牛羊馨其黍稷
而薦之歌之舞之所以顯神明昭至德也其

洛邑

孔氏曰書傳曰周公將作禮樂優游之三年不能

作君子恥其言而不見從恥其行而不見隨將

作恐弄一莫我知將小作恐不能揚父祖功烈德

澤然後營洛以觀天下之心於是四方諸侯率其
羣黨各攻位于庭周公曰示之以力且猶至況導
之以禮樂乎然後敢作禮樂書曰作新大邑于東
國洛四方民大和會此之謂也周書王會曰成

周之會

王城既成大會諸侯及四夷也

天子南面立纒無繁露朝

服八十物搢珽唐叔荀叔周公在左太公在右皆
纒亦無繁露朝服七十物搢笏旁天子而立於堂

上堂下之右唐公虞公南面立焉堂下之左殷公夏公立焉皆南面統有繁露朝服五十物皆楮笏相者太史魚大行人皆朝服有繁露堂下之東面郭叔掌為天子綠幣焉統有繁露內臺西面正北方應侯曹叔伯舅中舅比服次之要服次之荒服次之西方東面正北方伯父中子次之方千里之內為比服方二千里之地為要服方三千里之內為荒服是皆朝於內者堂後東北為赤帟焉 作雒篇曰作大邑成周于土中城方千七百二十丈

郭十七里南繫于洛水北因于郊山以為天下

李氏曰鄭氏謂成洛邑居攝五年時孔氏謂朝諸侯在六年按書則周公城洛邑在七年周公所以朝諸侯者特相成王以朝諸侯而已周公非自居南面受諸侯之朝書大傳諸侯進受命於周公而退見文武之尸者千七百七十三諸侯

高山

朱氏曰高山謂岐山也沈括曰後漢西南夷傳作

彼岨者岐 今按彼書岨但作徂韓子亦云彼岐有岨疑或別有所據 呂氏曰大王文王

雖往而其岨易可行之道昭然 皆在與山俱存而未嘗亡也

及河喬嶽

詩也里攷

卷之五

及古

淮南子作嶠嶽 范氏曰古者天子巡守至於方嶽以柴望告祭封禪始於秦古無有也 公羊傳天子有方望之事無所不通

二王之後

鄭氏曰二王夏殷其後杞宋 括地志汴州今開封府

雍丘縣古杞國 宋見前王會曰殷公夏公微采地名孔

安國曰畿內國水經濟濟水逕微鄉東注云在東平壽張縣西北

西雝

韓詩辟君章句西雝文王之雍也言文王之時辟雍學士皆潔白

也之人 王氏曰雝蓋辟靡也辟靡有水鷺所集也

朱氏曰先儒多謂辟靡在西郊故曰西雝即旋丘之

水其學即所謂澤宮也 毛氏曰雝澤也 李氏曰杞之地

在陳留宋之地在睢陽其來周也自東徂西

漆沮 見前

毛氏曰岐周之二水 孔氏曰以薦獻所取不宜

遠於京邑故言岐周者鎬京去岐不遠 曹氏曰

漆沮之水上接涇渭下與河通所以多魚

四嶽

寺也里攷 卷之五

孔氏曰諸書皆以岱衡華恒為四嶽爾雅釋山岱

泰衡霍二文不同一山而二名也曹氏曰言四嶽而不及嵩高嵩

高在王畿之內故也岱在今襲慶府奉符縣衡在潭州湘潭縣華在華州華陰縣恒在中山府曲陽縣

允猶翕河

鄭氏曰河言翕者河自大陸之北敷為九祭者合

為一猶圖也皆信按山川之圖而次序祭之孔氏曰九河之名徒

駭太史馬頰覆釜胡蘇簡潔鈎盤鬲津周時齊桓

公塞之同為一春秋實乾圖云移河為界今河間在齊呂填闕入流以自廣

弓高以東至平原鬲盤往往有遺處焉蔡氏曰

徒駭河地理志云滹沱河寰宇記云在平成馬頰河元和志在

德州安德平原南東寰宇記云在棗覆脯河通典云在

德州胡蘇河寰宇記云在滄之饒安無棣簡潔河

輿地記云鈎盤河寰宇記云在樂陵東南從德鬲

津河寰宇記云在樂陵東西北流入饒安太史河

不知所在漢世近古止得其三唐人集累世積傳之語

遂得其六歐陽忞輿地記又得其一或新河而載

以舊名或一地而互為兩說皆以是而非無所依

據漢王橫言昔天嘗連雨東北風海水溢西南出
 浸數百里九河之地已為海水所漸酈道元亦謂
 九河碣石苞淪於海後世儒者知求九河於平地
 而不知碣石有無以為之證故前後異說 嚴氏
 曰禹貢河自大陸北播為九河同為逆河注云同
 合為一大河名曰逆河然則翁河即逆河也 蘇
 氏曰翁河大河受眾水者也 戴氏曰祭先河而後海故以河為主

魯頌

鄭氏譜曰魯者少昊擊之墟也

帝王世紀少昊邑于窮桑以登帝位

後都曲阜縣東北六里

國中有大庭氏之庫則大庭氏亦在

于茲乎在周公歸政成王封其元子伯禽於魯

左傳

命以伯禽而封於少昊之墟注曲阜也在魯城內

其封域在禹貢徐州大

野蒙羽之野自後政衰國事多廢十九世至僖公
 當周之惠襄王時而遵伯禽之法養四種之馬牧

於坰野尊賢養士修泮宮崇禮教十六年會諸侯

于淮上東略公遂伐淮夷

孔氏曰經傳無文

二十年新作

南門又修姜嫄之廟至於復魯舊制未徧而薨國
 人美其功季孫行父請命于周而作其頌文公十

三年太室屋壞初成王以周公有太平制典法之
 勲命魯郊祭天三望如天子之禮故孔子錄其詩
 之頌同於王者之後問者曰列國作詩未有請于
 周者行父請之何也曰周尊魯巡守述職不陳其
 詩至於臣頌君功樂周室之聞是以行父請焉周
 之不陳其詩者為優耳其有大罪侯伯監之行人
 書之亦示覺焉

朱氏曰先儒以為時王褒周公之後比於先代故巡守不陳其詩而

其篇第不列於太師之職是以宋魯無風

朱氏曰今襲慶東平府沂

密海等州即其地也成王以周公有大勲勞於天

下故賜伯禽之禮樂魯於是乎有頌以為廟樂其
 後又自作詩以美其君亦謂之頌舊說皆以為伯
 禽十九世孫僖公申之時今無所考獨闕宮一篇
 為僖公無疑耳夫以其詩之僭如此然夫子猶錄
 之者蓋其體固列國之風而所歌者乃當時之事
 則猶未純天子之頌若其所歌之事又皆有先王
 禮樂教化之遺意焉則其文疑若猶可予也況夫
 子魯人亦安得而削之哉

宋氏曰秦有誓而書

亡魯有頌而詩絕 李氏曰周有風魯有頌而春

秋為之作唐氏曰王風而魯頌詩之末也劉

氏曰魯之有天子禮樂殆周之末王賜之非成王

矣昔者魯惠公使宰讓請郊廟之禮於天子呂氏春秋

云天子使史角往惠公止之其後在魯實始為墨

翟之學由是觀之使成王之世魯已郊矣則惠公

奚請惠公之請也殆由平王以下乎陳氏曰諸

侯之有郊禘東遷之僭禮也故曰秦襄公始於諸

侯作西時祠白帝僭端見矣位在藩臣而臚於郊

祀君子懼焉則平王以前未之有也魯之郊禘惠

公請之也齊桓公欲封禪而晉亦郊蘇皆僭禮也

然則春秋何以始見於僖公向者莊公之觀齊社

也曹劌諫曰天子祀上帝諸侯會之受命焉諸侯

祀先王先公卿大夫佐之受事焉用見惠公雖請

之而魯郊禘猶未率為常也僖公始作頌以郊為

夸焉於是四卜不從猶三望是故特書之以其不

勝譏譏其甚焉者爾地理志魯地其民有聖人

之教化故孔子曰齊一變至於魯魯一變至於道

言近正也括地志兗州曲阜縣漢為魯縣外城即伯

禽所築古魯城

今襲慶府仙源縣

郡縣志曲阜在縣治

魯城中委曲長七百里史記儒林傳高皇帝舉

兵誅項籍圍魯魯中諸儒尚講誦習禮樂弦歌之

音不絕豈非聖人之遺化好禮樂之國哉夫齊魯

之間於文學自古以來其天性也

世本云周公居少昊之墟煬公

徙魯史記正義少昊墟即壽丘皇甫謐云黃帝壽丘在魯城東門之北魯國即曲阜縣

垆野

毛氏曰垆遠野也林外曰垆郡縣志垆澤俗名

連泉澤在兗州曲阜縣東九里魯僖公牧馬之地

劉公幹魯都賦曰戢武器於有炎之庫放戎馬

於巨野之垆寰宇記大野在濟州鉅野縣東五

里一名鉅野澤爾雅十藪魯有大野注今高平

鉅野縣東北大澤

泮水 泮宮

毛氏曰泮水泮宮之水天子辟廡諸侯泮宮鄭

氏曰辟廡者築土廡水之外圓如璧四方來觀者

均也泮之言半也泮水者蓋東西門以南通水北

無也朱氏曰說文曰泮宮諸侯鄉射之宮也西

詩也里攷

卷之五

及古

南為水東北為墻康成以為東西門說文以為東西墻其說不同程氏曰春秋凡用民力必書修泮宮復闕宮不書復古興廢為國之先務如是而用民力乃所當用也禮器魯人將有事於上帝必先有事於類宮注郊之學也詩所謂類宮疏魯以小學為類宮在郊通典兗州泗水縣有泮水

九域志襲慶府有泮宮池泮宮臺水經注靈光殿之東南即泮宮也在高門直北道西宮中有臺高八十尺臺南水東西一百步南北六十步臺

西水南北四百步東西六十步臺池咸結石為詩所謂思樂泮水也

淮夷

通鑑外紀周襄王八年冬僖公會諸侯于淮上

江臨淮謀東略未幾遂伐淮夷李氏曰觀費誓

是淮夷世為魯患僖十六年會于淮乃齊桓救鄆

非是淮夷從僖公也孔氏曰禹貢徐州淮夷墳珠

夷病鄆齊桓東會于淮以謀之左傳謂之東略是淮夷在東國昭四年楚會諸侯于申有淮夷淮夷居淮水之上在徐州之界最近于魯於是霸者使魯獨征之朱氏曰或謂僖公未嘗有伐淮夷之

言此乃頌禱之辭狄彼東南謂淮夷也嚴氏曰淮夷世為魯患未必慕泮宮之化詩人張言泮宮之美以為淮夷亦將來慕也說文引詩獮彼淮夷韓詩獮彼淮夷

春秋僖十四年杞辟淮夷遷都諸侯城緣陵十六年鄆為淮夷

所病會于淮謀鄆後漢東夷傳秦并六國淮西夷皆散為民戶左傳昭二十七

年季氏甚得其民淮夷與之注魯東夷

附庸

王制注小城曰附庸朱氏曰猶屬城也小國不

能自達於天子而附於大國王氏曰孟子曰周

公之封於魯為方百里也地非不足而儉於百里

而周官以為諸侯之地方四百蓋特言其國也則儉於百里并附庸言之則為方四百里也李氏

曰顯更魯之附庸也春秋之時有邾國亦魯之附

庸也鄭氏據明堂位謂封以七百里欲其強於諸

國其說不然詩人言大啓爾宇不過諸侯方百里

始上等春秋無駭人極附庸小國取邾取郟附庸國皇甫謐言武王

伐紂之年夏四月乙卯祀於周廟將率之士皆封

諸侯國四百人兄弟之國十五人同姓之國四十

人魯世家武王既克殷封周公於少皞之墟曲阜

也里文

言地理
十一
書大傳周公封以魯身未嘗居魯也

戎狄

朱氏曰西戎北狄

春秋公會戎于潛

隱二年公追

戎于濟西

莊十年

史記戎狄是膺

孟子言周公方且膺之黃氏

曰春秋所記凡魯之自主兵者皆邾莒頃之小國至於所伐大國皆齊晉主兵則膺戎狄懲荆舒僖公果有是乎吳氏曰公車千乘止則莫我敢承考其誼為周公魯公設簡編錯亂當與土田附庸為連文蓋詩人言成王命周公建元于魯錫之以山川土田附庸有千乘之賦有三軍之衆使之膺戎狄懲荆舒也不然孟子引此詩何以云周公膺之乎

荆舒

見前

鄭氏曰僖公與齊桓舉義兵北當戎與狄南艾荆

及羣舒天下無敢禦也

孔氏曰僖四年經書會

齊侯伐楚楚一名荆羣舒又楚之與國故連言荆

舒其伐戎狄則無文

史記荆荼是懲

泰山

說苑泰山巖巖魯侯是瞻孔氏曰泰山在齊魯

之界魯之望也

李氏曰禹貢海岱徐州之地泰

山乃其境

史記泰山之陽則魯其陰則齊

郡

縣志泰山一日岱宗在兗州乾封縣西北三十里

寺也里文

卷之五

及古蜀

今奉符縣

春秋猶三望鄭氏謂海岱淮

公羊傳祭

泰山河海

職方氏兗州山鎮曰岱山

龜蒙

孔氏曰定十年齊人來歸鄆謹龜陰之田謂龜山

之北田也論語顓臾為東蒙主謂主蒙山也魯之

境內有此二山故言奄有曹氏曰鄒之龜山費

之東蒙郡國志泰山博縣有龜山

今襲慶府奉符縣水經

注山在博縣北十五里泗水縣東北七十五里

郡縣志在兗州孔子有龜山操

地理

志蒙山在泰山蒙陰縣西南

郡縣志在沂州費縣西北十里東蒙山

在費縣西北七十五里

蒙山在沂州新泰縣東

南八十八里書曰蒙羽其藝

寰宇記蒙山在海

州懷仁縣北七十五里

括地志在沂州臨沂縣

唐六典注在費縣

輿地記蒙陰縣故城在新

泰縣東南

大東海邦

鄭氏曰大東極東也海邦近海之國孔氏曰僖

公之時東方小國見於盟會唯邾莒滕杞而已

爾雅東至於泰遠東至日所出為太平

爾雅注遂撫大東

鳧繹

郡縣志鳧山在兗州鄒縣東南三十八里嶧山一

名鄒山在鄒縣南二十二里

地理志嶧山在魯國

嶧陽孤桐謂嶧山之陽左傳邾文公卜遷于嶧

杜氏注釋邾邑魯國鄒縣北有嶧山水經注鄒

山所謂嶧山邾文公所遷城鄒山之陽依巖岨京

相番曰繹邑依繹山為名山東西二十里南北十

三里高秀獨出積石相臨殆無土壤石間多孔穴

洞達相通秦始皇觀禮於魯登嶧山之上命李斯

勒銘太史公北涉汶泗講業齊魯之都觀孔子之

遺風鄉射鄒嶧今按臯嶧在邾地亦頌禱之辭

鄒山記曰鄒山古之嶧山魯穆公改為鄒

山嶧陽猶多桐樹春秋宣十年伐邾取繹

徐宅

朱氏曰宅居也謂徐國曹氏曰臯繹二山在鄒

之北本徐州之地而魯宅之李氏曰僖公十五

年楚國伐徐是徐為楚所服豈為僖公服乎

蠻貊

孔氏曰南夷之蠻後漢傳平王東遷蠻侵暴中國

蠻子在河南傅氏曰東夷之貊後漢傳有貊耳

新城東南屬孔氏曰魯僖之時貊近魯說文南方

南夷

毛氏曰荆楚也傅氏曰上巳言荆舒此南夷是南

嚴氏曰莫不率從非願之之辭

常許

寺也里文

毛氏曰魯南鄙西鄙 孔氏曰常為南鄙許為西

鄙 鄭氏曰常或作嘗在薛之傍春秋莊三十一

年築臺於薛是與周公有常邑六國時齊有孟嘗

君食邑於薛 史記正義嘗邑在薛國之南 九域志淄州薛邑城孟嘗君所食之地

地理志魯國有薛縣 許許田也魯朝宿之邑 孔

氏曰桓元年鄭伯以璧假許田杜氏注成王營王

城有遷都之志故賜周公許田以為魯朝宿之邑

後世因而立周公別廟其地近鄭故鄭人易之許

田近許之田 劉氏曰許田魯本受封之地居常

與許是也地名與國同者魯多有之莊公築臺于

許秦築臺于薛豈真近秦近薛哉魯自地名許田

括地志許田在許州許昌縣南四十里有魯城

周公廟在其中 九域志潁昌府許田縣省為鎮人長社縣 朱氏曰常

許皆魯之故地見侵於諸侯而未復者故魯人以

是願僖公也

徂來

郡縣志徂來山亦曰尤來山在兗州乾封縣 今奉符縣

後漢志博尤來山注博城縣有徂來山一名尤

來

水經注鄒山記曰徂來山在兗州梁父奉高博城三縣界今猶有美松赤眉樊崇保此山自號

尤來三老

後魏地形志泰山郡梁父縣有徂山

在北輿地廣記唐省梁父入博城今奉符縣

通典梁父故城

在泗水縣地

新甫

後魏志魯郡汶陽縣有新甫山

通典漢汶陽故城在兗州泗水縣東

南

九域志襲慶府有新甫田

商頌

鄭氏譜曰商者契所封之地有娥氏之女名簡狄者吞乙卵而生契堯之末年舜舉為司徒有五教

之功乃賜姓而封之世有官守十四世至湯則受命伐夏桀定天下後世有中宗者嚴恭寅畏天命自度治民祇懼不敢荒寧後有高宗者舊勞于外爰洎小人作其卽位乃或諒闇三年不言言乃雍不敢荒寧嘉靜殷邦至于小大無時或怨此三王有受命中興之功時有作詩頌之者商德之壞武王伐紂乃以陶唐氏火止闕伯之墟封紂兄微子啓為宋公代武庚為商後其封域在禹貢徐州泗濱西及豫州盟豬之野自後政衰散亡商之禮樂

七世至戴公時當宣王大夫正考父者校商之名
 頌十二篇於周太師以那為首歸以祀其先王孔
 子錄詩之時則得五篇而已乃列之以備三頌著
 為後王之義監三代之成功法莫大於是矣問者
 曰列國政衰則變風作宋何獨無乎曰有焉乃不
 錄之王者之後時王所客也巡守述職不陳其詩
 亦示無貶黜客之義也又問曰周太師何由得商
 頌曰周用六代之樂故有之書序自契至成湯
 八遷孔氏曰契居商昭明居砥石相土居商丘湯

居亳見經傳有四其四未聞

商在商州商洛縣砥石或曰即砥柱在陝

州陝縣商丘在應天府宋城縣亳在應天府穀熟縣西南三十五里

盤庚曰不常

厥邑于今五邦孔氏注湯遷亳

湯即位居南亳後徙西亳在河南府

偃師縣西十四里本帝嚳之墟

仲丁遷囂

滎陽故城在鄭州滎澤縣西南七十里殷時教

地河亶甲居相

在相州內黃縣東南十三里

祖乙居耿

在絳州龍門縣

東南十四里耿城

并盤庚遷都殷為五邦

三代世表盤庚徙河南括地

志云盤庚都偃師西亳

蔡氏曰以下文今不承于古攷之盤

庚之前當自有五遷史記言祖乙遷邢或祖乙兩

遷也

通典在邢州

史記云武乙去亳徙河北世紀帝

乙徙朝歌

在衛州衛縣今并入黎陽

三亳

皇甫謐曰二在梁國一在河洛之間

穀熟為南亳湯所都也蒙為北亳亦曰景亳湯所受命也偃師為西亳盤庚所遷也黃氏曰三亳

南亳北亳亳殷也南亳今應天府穀熟縣北亳拱州考城縣亳殷河南偃師縣補傳曰湯始居西

亳次居北亳最後居南亳三亳皆湯所居書曰商書頌曰商頌本契之始封而稱之也蘇

氏曰商詩駿發而嚴厲商人之風俗在此故其後世有以自振於衰微

宋

地理志梁國睢陽縣故宋國微子所封

今應天府宋城縣

本闕伯之墟左傳商主大火不利子商自根牟

至于商衛

宋商後謂宋為商釋例曰商宋一地

孔氏曰商頌五

由宋而後得存故鄭為譜因商而又序宋朱氏

曰太史公云宋襄修仁行誼欲為盟主其大夫正

考父美之故追道契湯高宗之所以興作商頌蓋

本韓詩之說諸儒多惑之者今考此頌皆天子之

事非宋所有且其辭古奧亦不類周世文而國語

閔馬父之言亦與今序合

樂記商者古帝之遺聲也商人識之謂之商

注商宋詩也韓詩序曰那美襄公也法言曰正考甫嘗晞尹吉甫矣揚子謂正考甫作商頌

韓退之亦云夫子次列國之風而宋魯獨稱頌

生商

殷紀契封於商 鄭氏曰商國在太華之陽 皇

甫謚曰在上洛商縣 漢屬弘農郡 括地志商州城八

十里商洛縣本商邑古之商國高所封 國語玄

王勤商十四世而興 李氏曰生契謂之商者契

於商也 補傳曰地有商山因是得名

殷土

鄭氏曰湯始居亳之殷地 孔氏曰殷是亳地之

小別 書序盤庚將治亳殷注商家改號曰殷

周氏曰商人稱殷自盤庚始自此以前稱商自盤

庚既都亳於是殷商兼稱故單稱殷 補傳曰殷

以澱水得名

九有 九圍

毛氏曰九州也 孔氏曰九分天下各為九處規

圍然故謂之九圍 易氏曰殷人九州之制不見

於經傳是以後世莫詳焉爾雅云兩河間曰冀州

河南曰豫州河西曰雝州漢南曰荊州江南曰揚

州濟河間曰兗州濟東曰徐州燕曰幽州齊曰營

州其九州之名與夫疆域所至與舜典異又與禹
 貢異後世皆莫得其說先儒以為殷制其說誠然
 由今攷之有舜之幽營徐而無舜之青梁并是青
 入於徐梁入於幽并入於冀也既分禹貢冀州之
 境而復舜之幽州又併青與徐而復舜之營州殷
 之九州粲然可考而其山川道里亦以類舉至周
 人則又分冀為并而併營於幽復禹之青州而省
 徐以入於青 孔氏曰爾雅九州之名孫炎以與
 禹貢不同於周禮又異故疑為殷制亦無明文地

理志云殷因於夏無所變改 王制注殷湯更制

中國方三千里之界分為九州而建千七百七十

三國 小雅率土之濱 孔氏曰謂中國為九州

者以水中可居曰洲居民之外皆有水也 韓詩

奄有九域

薛君曰九州也 說文昔堯遭
洪水民居水中高土故曰九州

邦畿千里

王制注縣內夏時天子所居州界名也殷曰畿詩

邦畿千里周亦曰畿 孔氏曰殷周稱畿唐虞稱

服周禮大司馬九畿方千里曰國畿職方氏九服

方千里曰王畿 易氏曰禹之五服王畿在內職
 方氏王畿不在九服之內 漢志殷周因井田而
 制軍賦地方一里為井井十為通通十為成成方
 十里十成為終十終為同同方百里同十為封封
 十為畿畿方千里 提封百
萬井

景負維河 陟彼景山

朱氏曰景山名商所都也春秋傳曰商湯有景亳
 之命負與幅幘義同蓋言周也維河大河也言景
 山四周皆大河也 陟彼景山蓋商所都之山衛

詩亦言景山乃商舊都 補傳曰景山商都之望

也商都帶河盤庚所謂惟涉河以民遷是也今亳
 有景山故曰景亳 括地志宋州北五十里大蒙

城為景亳湯所盟地因景山為名 九域志亳城

古景亳也本帝嚳之虛湯都之書云湯始居亳從
 先王居在應天府 嚴氏曰自湯至盤庚五遷亳

器皆在河南相耿皆在河北自盤庚之後傳三世
 至武丁又傳四世至庚丁之子武乙始去亳徙河

北此詩言河正謂亳寰宇記景山在應天府楚丘

縣北三十八里高四丈今屬拱州

禹敷夏土方

朱氏曰下土方絕句楚辭天問禹降省下土方蓋用此語 書序帝釐下土方設居方釋文曰一讀至方字絕句 幅幘既長徐氏曰自直方言之曰幅自周圍言之曰幘 曹氏曰猶云廣輪

有娥

毛氏曰有娥契母也 離騷經曰見有娥之佚女注有娥國名契母簡狄也 呂氏曰春秋有娥氏

有二佚女為九成之臺佚美也 淮南子有娥在不周

之北長女簡翟古今人表簡過 少女建疵史記云又桀敗

於有娥之墟當在蒲州今河 朱氏曰舊說有娥

國在不周之北恐不應絕遠如此

韋顧

鄭語祝融其後八姓已姓昆吾顧彭姓豕韋 左

傳注東郡白馬縣有韋城郡國志有韋鄉 通典滑州韋

成縣古豕韋國 郡縣志顧城在濮州范縣東二

十八里寰宇記在縣東南 夏之顧國古今人表韋鼓鼓即顧 故莘城

在汴州陳畱縣東北三十五里古莘國地湯伐桀
桀與韋顧之君拒湯於莘之墟遂戰於鳴條之野
呂氏春秋湯立天子商不變肆親鄰如夏

昆吾

郡國志東郡濮陽縣古昆吾國 通典濮州濮陽
縣卽昆吾之墟亦曰帝丘 括地志濮陽縣古昆
吾國故城縣西三十里昆吾臺在縣西百步在顓
帝城內周迴五十步高二丈卽昆吾虛也 濮陽今屬開德府
鄭語昆吾爲夏伯 韋氏注祝融昆吾之孫陸終第一子各樊爲已姓封

於昆吾昆吾衛是也其後夏衰昆吾爲夏伯遷於舊許傳曰高祖伯父昆吾舊許是宅

左

傳衛侯夢于北宮見人登昆吾之觀杜氏云衛有

觀在古昆吾之虛今濮陽城中 鄭氏曰湯先伐

韋顧克之昆吾夏桀則同時誅也 孔氏曰昭十

八年二月乙卯周毛得殺毛伯過萇弘曰是昆吾

稔之日也言昆吾以乙卯日亡與桀同日誅也故

檀弓注云桀以乙卯日亡 寰宇記解州安邑縣

有昆吾亭蓋湯伐桀之時昆吾以兵助桀同時而

滅故有亭非國於此也 郡國志河東安邑有昆

吾亭湯伐桀戰處

朱氏曰三蘂韋顧昆吾漢書注包有三栱

夏桀

吳起曰夏桀之居左河濟右泰華伊闕在其南羊

腸在其北 寰宇記禹自安邑都晉陽桀徙安邑

郡縣志安邑故城在陝州夏縣東北十五里禹所都也

書序孔氏注桀都

安邑湯升道從陟陟在河曲之南戰於鳴條之野

地在安邑之西 寰宇記解州安邑縣東北七十

五里有鳴條陟陟在縣北二十里 郡縣志高堠

原在安邑縣北三十里原南坂口即古鳴條陟也

戰地在安邑西桀走保三臞今定陶也

三臞亭在曹州濟陰

縣東北四十九里

桀自安邑東入山出太行東南三十里

有陟山 傅氏曰河曲即蒲坂後改河東

荆楚

毛氏曰荊州言楚國也

孔氏曰周有天下始封熊繹為楚子於武丁之世不

知楚君為何人 補傳曰或者為周成王始熊繹於荆至周惠王之時魯僖公元年始有楚號遂疑

商時未有荆楚乃欲假此以實韓氏宋襄公之說殊不思荆自帝嚳九州已有九州之名至禹貢分

荆州之荆也詩人以有二荆故以荆楚別荆文耳既自古有荆孰謂周封熊繹始有荆哉

蘇

氏曰易曰高宗伐鬼方三年克之蓋謂此與書

大傳武丁側身修行三年之後諸侯以重譯來朝

者六國方城縣東北五十里采入其阻箋云謂踰方城之隘在唐州

左傳楚國方城以為城太史公曰夫荆楚僇勇

輕悍好作亂乃自古記之矣呂氏曰楚之於中

國自商以來迭為盛衰春秋正義荆楚一木二

名故以為國號亦得二名莊公之世經皆書荆僖

之元年乃書楚人伐鄭蓋始改為楚

氏羌

鄭氏曰夷狄國在西方後漢西羌傳云武

西戎鬼方三年乃克故其詩曰自彼氏羌莫敢不

來王賈捐之曰武丁成王殷周之大仁也然地

東不過江黃西不過氏羌南不過荆蠻北不過朔

方是以頌聲並作通鑑外紀成湯云云海外肅

慎北發渠搜氏羌來服地理志隴西郡有氏道

羌道郡縣志夏桀之亂犬夷入居岐邠之間成

湯伐而攘之武王伐商羌鬻會于牧野括地志

隴右岷洮叢等州西羌也曹氏曰商居河洛之

間則荆楚乃國之南鄉而已非若氏羌之極遠也

成湯之時氏羌之國近者以時聘享遠者亦來終
王氏羌自謂此商之典常也荆楚豈得獨廢之邪

日祭月祀時享歲貢終王此所謂典常也漢志顏師古注

氏夷種名也羌即西域媯羌之屬也孔氏曰氏羌之種漢世仍存

其居在秦隴之西黃氏曰羌本姜姓三苗之後

居三危今疊宕松諸州皆羌地說文西方羌從

羊爾雅疏戎類曰耆羌山海經伯夷父生西

岳西岳生先龍先龍是始生氏羌氏羌乞姓

商邑

朱氏曰商邑王都也極中之表也周禮疏堯治

平陽舜治安邑唯湯居亳得地中史記昔唐人

都河東殷人都河內周人都河南三河在天下之

中若鼎足王者所更居也韓詩京師翼翼四方

是則孟子武丁朝諸侯有天下猶運之掌也

詩地理攷卷之六

序

大庭

帝王世紀神農氏營曲阜故春秋稱魯大庭氏之
庫 水經注魯縣卽曲阜之地少昊之墟有大庭
氏之庫 劉公幹魯都賦曰戢武器於有災之庫

兗州今襲慶
府仙源縣

虞

括地志故虞城在陝州河北縣今平陸縣東北五十里

詩地理攷

卷之六

及古

言地理
虞山之上 皇甫謐曰堯以二女妻舜封之於虞
今河東大陽山虞城是

有夏

世紀禹受封為夏伯今河南陽翟是也 地理志

潁川郡陽翟夏禹國

今屬潁昌府

商 見前

周 見前

陶唐

郡縣志曹州定陶故城堯所居也堯先居唐故曰

陶唐氏

世紀堯始封於唐今中山唐縣

定州書

惟彼陶唐有此冀方正義云堯都平陽

今晉州臨汾縣

五霸

左傳五伯之霸也注夏伯昆吾商伯大彭豕韋周

伯齊桓晉文或曰齊桓晉文宋襄秦穆楚莊

昆吾豕韋

見前大彭郡縣志徐州彭城縣古大彭氏國

共和

古史共伯和者厲王時之賢諸侯也諸侯皆往宗
焉因以名其年謂之共和凡十四年按汲冢紀年

其伯和于王位故曰共和
左傳王子朝奔走告于諸侯曰厲王戾虐萬民弗忍居于彘諸侯釋位以間王政宣王有志而後效官則厲宣之間諸侯有去其位而代王為政者矣
莊子曰其伯得乎丘首釋文云其山在河內共縣西魯連子云其伯後歸于國得意其山之首
郡縣志衛州其城縣本周其伯國其伯奉王子靖立為宣王其伯復歸于國

周南

召伯

雍州岐山之陽

見前

美陽縣

地理志右扶風美陽縣禹貢岐山在西北中水鄉周大王所邑
郡縣志鳳翔府扶風縣本漢美陽縣地武德三年分岐山縣置圍川縣貞觀八年改為扶風
續漢志美陽縣有周城在縣西北南有周原

江漢汝

見前

雍梁荆豫徐揚

論語集注天下歸文王者六州惟青兗冀尚屬紂

豐 見前 周召之地 見前

周公封魯召公封燕元子世之其次子亦世

守采地在王官

魯燕 見前 宣王時召穆公虎春秋時周公黑肩

閱召伯奭盈 召公采邑在孟州王屋縣周公采邑未詳雍縣東北之周城春秋時已屬

秦

徐吳楚江黃六蓼邾滕紀莒

徐國 泗州臨淮縣徐城鎮 吳國 平江府吳縣 楚國 初都丹陽今歸州秭歸縣東南

江國 在汝南安陽縣 江陵府枝

黃國 在汝南弋陽縣 六國 在廬江六縣故城

邾國 在安豐軍安豐 滕國 徐州滕縣西南

莒國 密州莒縣 紀國 青州壽光縣有故城

邾鄆衛

大行

述征記大行山首始於河內 郡縣志在懷州河內縣北二十五里修武

自河內北至幽州凡有八陁

衡漳

寺也里汶

卷之六

及古

禹貢注漳水橫流入河謂之衡漳衡古橫字 薛氏曰

濁漳出潞州長子縣東至磁州武安縣入清漳清

漳出平定軍樂平縣合虜池易水東北至滄州清

池入海清漳卽衡水也 易氏曰洺州洺水縣本

漢斥漳縣地屬廣平國有衡漳故瀆俗名阿難渠

在縣西二百步

兗州桑土之野

禹貢兗州桑土既蠶注云其地尤宜蠶桑因以名

之蔡氏曰兗地宜桑後世之濮上桑間猶可驗

孔氏曰今濮水之上地有桑間濮陽在濮水之北

是有桑土 樂記注桑間在濮陽南今開德府濮陽縣

三監管叔蔡叔霍叔 紂城

管鄭州管城縣 蔡蔡州上蔡縣 霍晉州霍邑

縣 紂城括地志紂都朝歌故城在衛州東北七

十三里朝歌故城是也在衛州衛縣西二十二里

謂之殷虛衛縣今省入黎陽爲鎮

王

周東都王城

郡縣志河南府禹貢豫州之域在天地之中故三代皆為郡邑陽翟夏城禹都也偃師西亳湯都也周成王定鼎於郊廓使召公先相宅乃卜澠水東召公往營之是為成周今河南府故洛城是也續漢志河南周公所城雒邑也春秋時謂之王城東城門名鼎門北城門名乾祭帝王世紀曰河南城西有郊廓雒陽縣周時號成周地道記曰王城去雒城四十里豫州太華外方之間北得河陽漸冀州之南

郡縣志太華山在華州華陰縣南八里嵩高山在河南府登封縣北八里亦名外方山河陽縣南城在縣西四面臨河即孟津之地亦謂之富平津唐屬

河南府後為孟州冀州之南河內襄王以河內賜晉文公

鎬京 宗周 西都 豐 洛邑 王城今

河南 成周今洛陽 並見前

申 犬戎 戲

申國今鄧州南陽縣 犬戎周語穆王將征犬戎注西戎之別名在荒服漢匈奴傳隴以西有畎戎

戲郡縣志古戲亭在京兆府昭應縣

本周驪戎國秦為驪

邑漢改新豐唐改昭應今臨漳縣

東北三十里周幽王為犬戎所

逐死於戲幽王陵在縣東北二十五里

鄭

宗周畿內咸林之地今京兆鄭縣

郡縣志古鄭城在華州鄭縣西北二里

漢屬京兆後魏置東

雍州改為華州鄭縣其地一名咸林世本桓公居咸林宋

忠云舊地名封桓公乃名為鄭史記魏築長城自

鄭濱洛今州東南三里魏長城是也秦紀武公十

一年初縣鄭

濟洛河潁之間 號鄆 鄆蔽補丹依疇歷

華君之土也 取十邑之地 右洛左濟

前華後河食溱洧焉 今河南新鄭 鄭音偃

濟水在孟州濟源縣西北三里 本軹縣屬河內平地而出

有二源東源周回七百步深不可測西源周回六

百八十五步深一丈源出王屋山山海經云王屋

之山滌水出焉郭璞注云滌沅水之源沅水出王

屋縣王屋山東流至濟源縣而名濟水又南流一

百廿里而入于河孔安國云濟水入河並流十數里而南截河又並流數里而溢自溢處又東南流

二百三十里至鄭州滎澤縣本漢滎陽縣地洛水出商

州洛陽縣西冢嶺山東北流至河南府鞏縣會伊

瀍澗之水東經洛汭北對郎渚謂之洛口亦名什

谷而入河河東流經鞏縣又東流孟州汜水縣

本成臯縣一名虎牢潁水出河南府陽城縣乾

山乾音干自汝州襄城縣流入潁昌府長社縣自長

社流入臨潁縣自順昌府汝陰縣流入潁上縣至

壽春府下蔡縣入淮韋昭注泗水之間謂左濟

右洛前潁後河濟本作沛音姊號東號號仲之後水經

注索水東逕號亭南應劭曰滎陽故號之國今鄭州

郡縣志孟州汜水縣古東號國鄭之制邑漢之成

臯縣一名虎牢襄二年諸侯城虎牢而成之史記注徐

廣曰號在成臯左傳注號今滎陽鄆周語鄆由

叔妘是水利離親者也詩作檜見前鄆國語鄆之亡

也由仲任注鄆妘姓之國為鄭武公所滅春秋鄭伯克段于鄆漢

地理志陳留郡鄆縣應劭曰克段于偽是也郡縣

志故鄆城在宋州寧陵縣今屬南五十三里漢鄆

縣鄭伯克段於此史記韓世家秦伐敗我鄆蔽

補丹依未詳疇國語作曝周語摯疇之國也由大任注摯疇二國任

姓未詳歷未詳華水經注黃水東南流經華城西

韋昭曰華國名史記秦昭王二十四年白起攻魏

拔華陽走芒鄉司馬彪曰華陽在密縣今屬鄭史縣亭名

記正義故華城在鄭州管城南三十里詩正義

云八國韋昭注云八邑前華後河鄭語曰前茅

後河注莘莘國也郡縣志故莘城在汴州陳留縣

東北三十五里古莘國溱洧郡縣志溱水源出

鄭州新鄭縣西北三十里平地洧水縣西北二十

里灌潁渠見前鄭語主芣驪而食溱洧注芣驪山名主為神

主食謂居其土食其水郡縣志大驪山在河南府密縣南東五十里本具茨山黃帝見大隗於具茨

故亦謂新鄭郡縣志新鄭縣本有熊氏之墟又

大隗為祝融之墟於周為鄭武公之國都韓哀侯滅鄭

自平陽徙都之秦為潁川郡漢為新鄭縣屬河南

郡隋重置屬鄭州鄭語史伯對曰王室將卑戎

狄必昌不可偪也當成周者雜南有荆蠻申呂應

寺也里文卷之六及古

鄧陳蔡隨唐北有衛燕翟鮮虞潞洛泉徐蒲西有
 虞虢晉隗霍楊魏芮東有齊魯曹宋滕薛鄒莒是
 非王之支子母弟甥舅也則皆蠻荆戎翟之人也
 非親則頑不可入也公曰南方不可乎對曰荆重
 黎之後也若周衰其必興矣姜嬴荆芊實與諸姬
 代相干也姜齊姓嬴秦姓芊楚姓公曰謝西之九州何如謝宣
王之舅申伯之國也今在南陽謝西有九州一千
五百家曰州後漢志棘陽縣東北一百里有謝
城對曰其民沓貪而忍不可因也惟謝邾之間邾南
謝北號鄆在焉邾後屬縣鄭衰楚取之傳曰邾
敖葬邾是也郡縣志邾城縣本鄭地屬汝州

其家君驕侈其民怠沓其君而未及周德是易取
 也且可長用也公曰若周衰諸姬其孰與對曰其
 在晉乎 幽王八年而桓公為司徒九年而王室
 始騷十一年而斃及平王末而秦晉齊楚代興
 齊

爽鳩氏之墟

左傳晏子曰魯爽鳩氏始居此也少皞氏季荝因

之虞夏諸侯有逢伯陵因之殷諸侯蒲姑氏因之殷周之間代逢

公博昌縣北有蒲姑城郡縣志薄姑故城在青州博昌縣東北六十里今博興縣齊世家胡

寺也里改

卷之六

及古

言地理考 十
公徙都 而後太公因之 地理志成王時薄姑氏
與四國共作亂成王滅之以封師尚父

營丘

地理志齊郡臨淄縣師尚父所封臣瓚曰臨淄卽
營丘也今齊之城中有丘卽營丘 郡縣志營丘
在青州臨淄縣北百步外城中爾雅曰水出其前
經其左曰營丘今臨淄城中有丘淄水出其前經
其左故曰營丘

九畿

大司馬九畿方千里曰國畿其外侯甸男采衛蠻

夷鎮藩

畿言其
有界畫

東至于海

吳公子札曰表東海者其太公乎 地理志太公

以齊地負海烏鹵通魚鹽之利 漢田肯曰齊東

有琅琊卽墨之饒琅琊密州東至大海一百六十

里卽墨縣屬萊州海在縣東四十三里又在縣南

百里卽墨故城在膠水縣東南六十里 齊語通

魚鹽於東萊 爾雅十藪齊有海隅 齊世家自

泰山屬之琅邪北被于海

西至于河

春秋正義九河故道河間成平以南平原鬲縣以

北徒駭最西以次而東齊之西竟當在九河之最

西

徒駭齊之西界寰宇記在滄州清池

南至于穆陵

郡縣志穆陵山在沂州沂水縣一百九十里

北至于無棣

郡縣志滄洲鹽山縣本齊無棣邑漢置高城縣屬

渤海郡隋改鹽山無棣河在饒安縣南二十里無

棣縣隋置以南臨無棣為名

岱山之陰濰淄之野 紀侯

史記泰山之陽則魯其陰則齊齊帶山海膏壤千

里 禹貢海岱惟青州東北據海西南據岱岱即

泰山也

在兗州

左傳晉伐齊東侵及濰

禹貢青

州濰淄其道濰水出密州莒縣濰山北東至青州

博興縣

本博昌

入海淄水出淄州淄川縣原山東至

青州壽光縣

博昌故城

入濟

紀侯

見前

齊語桓公正

封疆東至于紀鄴

魏

虞舜夏禹所都之地

舜都蒲坂

河中府河東縣

禹都平陽

晉州臨汾縣

安邑

陝州夏縣孔

氏曰魏皆近之

冀州雷首之北柝城之西

郡縣志雷首山一名中條山在河中府河東縣南

十五里陝州

今屬解州

安邑縣南二十里柝城山在河

南府王屋縣

今屬孟州

西北六十里峰四面其形如城

有南門焉故曰柝城在澤州陽城縣西南七十五里

南枕河曲北涉汾水

地理志魏國在晉之南河曲故詩曰彼汾一曲寘

諸河之側左傳秦伯師于河西魏人在東

今河

於秦為在河之東

水經河水又東永樂澗水注之

注水北出

于薄山南流逕河北縣故城西故魏國今河中府永樂縣

汾水出太原汾陽縣

北管涔山

今憲州靜樂縣

西過皮氏縣南

河出府龍門縣

又西至

汾陰縣北西注于河

河中府榮河縣

舜耕於歷山陶於河濱

郡國志河東蒲坂有雷首山注縣南二十里有歷山舜所耕處 括地志蒲州河東縣雷首山亦名歷山南有舜井 郡縣志媯汭水源出河東縣南雷首山州城卽蒲坂城也城中有舜廟城外有舜宅及二妃壇故陶城在縣北四十里 尚書大傳曰舜陶於河濱 括地志陶城在縣北三十里 與秦晉鄰國日見侵削 孔氏曰西接於秦北鄰於晉 左傳桓三年芮伯

萬出居于魏四年王師秦師圍魏執芮伯以歸閔元年晉侯滅魏

唐

帝堯舊都 太原晉陽是堯始都此後乃遷

河東平陽

地理志太原晉陽縣故詩唐國河東平陽縣堯都也在平河之陽 帝王世紀帝堯始封於唐今中山唐縣是也堯在焉唐水在西北入唐河後又徙晉陽及爲天子都平陽於詩風爲唐國 晉陽漢

太原郡所治龍山在西北晉水所出北齊分晉陽

置龍山縣隋開皇十年改龍山曰晉陽而以古晉

陽為太原縣自北漢劉氏以前郡治太原晉陽二

縣太平興國四年王師下北漢徙州治陽曲縣本漢

狼孟而空其故城通志今平定軍有

平陽隋改

平河縣屬晉州又改臨汾堯廟在縣東

成王封叔虞於堯之故墟曰唐侯南有晉水

至子燮改為晉侯

郡縣志太原府本高辛氏之子實沈又金天氏之

子臺駘之所居也又為唐國帝堯為唐侯所封又

為夏禹所都帝王世紀禹自安邑都晉陽周成王以封弟叔虞

晉水源出晉陽縣西南懸甕山東入汾水經注

曰出懸甕山東過其縣南智伯遏晉水灌晉陽城

故唐城在晉陽縣北二里堯所築唐叔虞之手

變父徙都之所晉祠一名王祠叔虞祠也在縣西南十二里

冀州太行恒山之西太原太岳之野

太行山連亘河北諸州為天下之脊郡縣志恒

山在定州恒陽縣北百四十里今中山府太原

臺駘之所居晉荀吳敗狄于大鹵中國以高平曰

太原夷狄曰大鹵其實一也秦初置太原郡治晉

陽即太原見前太岳郡縣志霍山一名太岳在

晉州霍邑縣東三十里禹貢壺口雷首至于太岳

鄭玄注曰今河東彘縣霍太山是也霍邑本彘縣

成侯南徙居曲沃近平陽

左傳注曲沃在河東聞喜縣晉別封成師之邑聞喜縣

唐屬絳州今屬解州

穆侯又徙於絳

郡縣志故翼城在絳州翼城縣東南十五里晉故絳都也

秦

秦者隴西谷名 近雍州鳥鼠之山

地理志秦今隴西秦亭秦谷 輿地廣記秦州隴

城縣有秦谷 郡縣志鳥鼠山今名青雀山在渭

州渭源縣西七十六里渭水所出凡有三源並下

其同穴鳥如家雀色小青其鼠如家鼠色小黃本漢

首陽縣地理志鳥鼠同穴山在西南 渭源縣熙寧三年置渭源堡屬熙州狄道縣爾雅

寺地理

卷之六

及古

山海經注其鳥為餘其鼠為鼯共處一穴鼠在內
鳥在外故山以為名 禹貢注鳥鼠共為雌雄同

穴處此山

張氏地理記
不為牝牡

沙州記寒嶺去大陽川

三十里有雀鼠同穴之山

非子養馬於汧渭之間孝王封非子為附庸

邑之於秦谷

地理志汧水出右扶風汧縣西北入渭今隴州汧

源縣本汧縣在汧水之北 郡縣志汧水在隴州

汧陽縣南一里渭水在南由縣南四十里本汧縣

地又在鳳翔府岐山縣南三十里

括地志故

汧城在隴州汧源縣南三里

世紀云襄公徙
居汧即此城

郿

縣故城在岐州郿縣東北十五里文公東獵汧渭

之會卜居之乃營邑焉即此城也

今按汧渭之
間當在隴州

襄公討西戎以救周平王東遷王城乃以岐

豐之地賜之遂橫有周西都宗周畿內八百

里之地 東至池山在荆岐終南惇物之野

西戎犬戎 王城

見前

岐豐岐陽在鳳翔府扶

風縣岐陽鎮

漢美陽
縣地

豐通典周文王作酆今京兆

府長安縣西北靈臺鄉豐水上是也

岐山在鳳翔府岐山縣東

北豐水出京兆府鄠縣東南北流入渭

宗周豐鎬宗廟所在漢婁

敬曰秦地被山帶河四塞以為固

呂氏曰敬所談秦之形勢乃周

之形勢也

迤山孔氏曰迤謂靡迤禹貢無迤山荆

山郡縣志在京兆府富平縣

今屬耀州

西南二十五里

在岐山東禹貢荆岐既旅是也

北條荆山漢志在左馮翊懷德縣南

岐山亦名天柱山在鳳翔府岐山縣東北十里

終南山在京兆府萬年縣南五十里鳳翔府郿

縣南三十里 惇物山漢志垂山古文以為敦物

在扶風武功縣東

郡縣志武功蓋在渭水南今鳳翔府郿縣地

德公又徙雍

雍縣漢屬右扶風故城在鳳翔府天興縣南七里

陳

太皞處犧氏之墟

左傳陳太皞之虛也 稽古錄都宛丘

今懷寧府宛丘縣

郡縣志包羲氏神農氏並都此

封媯滿於陳都宛於丘之側 見前 在豫州之東

西望外方東不及明豬

明音孟

外方見前明豬禹貢謂之孟豬職方氏謂之望

諸春秋傳謂之孟諸史記謂之明都漢志謂之盟

豬其實一也郡縣志孟諸澤在宋州今應天府虞城縣

西北十里周迴五十里俗號盟諸澤漢志盟諸澤在梁國睢陽

縣東北虞城本漢虞縣蓋此澤介乎二邑之間

檜

祝融之墟在外方之北榮波之南居溱洧之

間祝融氏名黎其後八姓唯妘姓檜

左傳鄭祝融之虛也榮波職方氏豫州其川榮

洛其浸波澁是為二水郡縣志榮澤鄭州榮縣北

四里禹貢濟水亦不復入鄭康成謂榮今塞為平

地榮陽民猶謂其處為榮澤薛氏曰濟源謂之沆東流于濟至淮州修

武縣入河河水泛溢則南北被為榮澤左傳衛侯及狄戰於榮澤在河之北孔穎達說榮澤跨河南

北是也蔡氏曰今濟水但入河不復過河之南榮水受河水有石門謂之榮口石門易氏曰孔安國

言榮澤在敖倉東南○水經注穀水又東波水水經濟水東合榮瀆

注之山海經瞻諸山西三十里婁涿之山波水出

于其陰謂之百答水北流注于穀爾雅云水自洛出為波在河南

府溱洧見前祝融八姓鄭語史伯曰已姓昆

寺也聖汝卷之六及古閣

吾蘇顧温董董姓驥夷參龍彭姓彭祖豕韋諸稽
秃姓舟人妘姓鄒鄒路偃陽曹姓鄒莒芊姓夔越
荆斟姓無後孔氏曰檜祝融之後復居祝融之墟
北隣於虢

地理志河南郡滎陽縣

滎陽成
臯見前

應劭曰故虢國今

虢亭是也

郡縣志縣東至
鄭州六十里

左傳制巖邑也虢叔

死焉注虢叔東虢君也虢國今滎陽縣成臯縣故

虎牢或曰制

寰宇記東虢即今成臯

曹

兗州陶丘之北

陶丘郡縣志曹州

今興
仁府

理中城蓋古之陶丘也一

名左城帝王世紀舜陶于河濱即禹貢之陶丘今

濟陰定陶西有陶丘是也爾雅曰再成爲陶丘

成
猶

重漢志在定陶西南陶丘亭水經注墨子以爲釜

丘竹書紀年魏襄王十九年辯侯來會于釜丘辯

氏曰陶丘在廣濟軍定陶縣

封叔振鐸於曹今濟陰定陶

郡縣志曹州濟陰縣本漢定陶縣之地屬濟陰郡

於周為曹國之地曹國在州東北三十七里濟陰

界故定陶城是也在縣東北四十七里自曹叔至伯陽凡十八葉後魏於定陶

城置西兗州周武帝改為曹州隋置濟陰縣定陶舊為濟陰縣之鎮太平興國三年置廣濟軍分

為定陶縣水經注定陶縣故三駸國三駸亭在濟陰

縣東北四十九里

在雷夏荷澤之野荷音

雷夏山海經云澤中有雷神龍身而人頰鼓其腹

則雷然則本夏澤也因其神名之曰雷夏郡縣

志雷夏澤在濮州雷澤縣北郭外括地志在縣郭外西北澗

沮二水會同此澤隋開皇六年於郟陽縣置雷澤縣因縣北雷夏澤為名荷

澤在曹州濟陰縣東北九十里故定陶城東北濟

陰縣南三里其地有荷山故名其澤為荷澤今東平濟

南淄川北海界中有水流入于海謂之清河實荷澤水經濟水又東北荷

水東出焉薛氏曰荷水分濟自興仁府乘氏縣

東至單州魚臺縣為荷澤入泗郡縣志兗州魚

臺縣本方與荷水即濟水也一名五丈溝西至金

鄉縣界流入去縣十里又東南流合泗水泗水東

北自任城縣流入經縣東與荷水合又東流入徐

州沛縣界

帝堯嘗遊成陽葬焉舜漁於雷澤

地理志濟陰郡成陽縣有堯冢靈臺禹貢雷澤在

西北史記堯作遊成陽正義曰濮州雷澤縣是

郡縣志雷澤縣本漢邠陽縣古邠伯國周武王

封弟季載於邠漢以為縣堯陵在縣西三里自堯

卽位至永嘉三年二千七百二十一年記于碑堯

廟在縣西南四里皇覽云堯冢在成陽呂氏春

秋堯葬穀林皇甫謐云穀林卽成陽後漢肅宗

元和二年使使者祠唐堯於成陽靈臺安帝延光

三年又祠注云郭緣生述征記曰成陽縣東南有

堯母慶都墓上有祠廟堯母陵俗亦名靈臺大

母金石錄漢成陽靈臺碑亦以為堯母冢

雷澤見前郡縣志歷山在雷澤縣西北十六里

舜耕歷山姚墟在縣東十三里舜生於姚墟馮

衍顯志賦臯陶釣於雷澤今賴虞舜而後親注呂

氏春秋舜漁於雷澤今書臯陶未詳

夾於魯衛之間

郡縣志曹州東至兗州三百七十里地魯西北至滑

州二百里地衛

幽

郡縣志京兆府武功縣

後周於故
釐城置

古有郃國堯封

后稷之地故釐城

郃音同

一名武功城在縣西南二

十二里古郃國

后稷祠姜原祠在
縣西南二十二里

帝王世紀后

稷始封郃今扶風釐是也

栒邑

郡縣志栒邑故城在邠州三水縣東二十五里即

漢栒邑縣屬右扶風古郃國也左傳云郃文之昭

也古豳城在縣西三十里公劉始都之處

雍州岐山之北原隰之野 大王又避戎狄

之難而入處於岐陽

岐山

見前

原隰

見前

岐陽郡縣志鳳翔府岐

陽縣貞觀七年置以在岐山之南因名之

今省為
鎮入扶

風

周公出居東都

金縢周公居東二年居國之東也鄭氏謂避居東

都未知何據

豳公

帝王世紀公劉徙邑於豳詩稱于豳斯館今新平

漆之東有幽亭是也

括地志幽州新平縣即漢大

王徙邑於岐山之陽南有周原始改號曰周

小雅曰大雅

西都豐鎬 見前

魯頌公出

少昊摯之墟國中有大庭氏之庫 見前 徐

州大野蒙羽之野

郡縣志鄆州鉅縣 今屬濟州 大野澤一名鉅野在縣東

五里南北三百里東西百餘里 地理志在山陽郡鉅野縣北 爾

雅十藪魯有大野西狩獲麟於此澤 獲麟惟在縣東十一里

蒙山在沂州新泰縣東南八十八里書曰蒙羽其

藝又蒙山在沂州費縣西北八十里東蒙山在縣

西北七十五里 顓臾為東蒙主 羽山在海州朐山縣西北

一百里 即此 沂州臨沂縣東南一百一十里與朐

山縣分界 地理志蒙山在泰山郡蒙陰縣西南今沂州費縣羽山在東海郡祝其縣南今

海州朐山縣

淮上 見前

命魯郊祭天三望

三望公羊傳泰山河海

左傳注分野之星國中山川

劉氏春

秋意林曰魯之有天子禮樂殆周之末王賜之非

成王也魯惠公使辛讓請郊廟之禮於天子天子

使史角往惠公止之其後在魯實始為墨翟之學

見呂氏春秋

使成王之世魯已郊矣則惠公奚請惠公

之請也殆由平王以下乎

商頌

契所封之地

括地志商州東八十里商洛縣本商邑古之商國

商所封

漢弘農郡商縣

闕伯之墟封微子啓為宋公在徐州泗濱西

及豫州盟豬之野

郡縣志宋州禹貢豫州之域即高辛氏之子闕伯

所居商丘今州治是也周為青州之域宋城縣漢

睢陽縣州城古闕伯之墟契孫相土亦都於此春

秋為宋國都

今應天府

自微子至君偃三十三世為齊

楚魏所滅地理志周封微子於宋今之睢陽是

也本陶唐氏火正闕伯之虛

泗濱泗水在兗州泗水縣至淮陽軍宿遷縣南入

淮

盟豬

見前

左傳文十年宋逆楚子遂道以田孟諸爾雅十藪

呂氏春秋九藪宋有孟諸

詩譜曰魯人大毛公為故訓傳於其家

釋文云河間人大毛

公河間獻王得而獻之以小毛公為博士

儒林傳毛公趙

人為河間獻王博士後漢儒林傳趙人毛萇郡縣志毛公墓在瀛州高陽縣界南三十里

鄭

玄字康成北海高密人

高密縣隋唐屬密州郡縣志鄭玄墓在縣西七十里

著毛詩譜

經典序錄鄭玄詩譜二卷徐整暢太叔裘隱



